

MULIBELELI, BUSIHU BU ZAMAYA CWAÑI?



[Muzwale Gene Goad ubala Isaya 21:1-12—Mu.]

[*Mutiyo wa lihalaupa le li potolohilwe ki liwate. Sina liñungwa le li simuluha kwa mboela; wa zwa mwa lihalaupa, yona naha ye sabisa.*]

[*Na boniswa pono ye sabisa; muhapi wa hapa, mi sisinyi sa sinyi. Kambama, wena Elami: to patise, Wena Media; Ni felize sitongo kaufela.*]

[*Kabakaleo teka yaka i kenwi ki butuku: ñalelwa i ni sweli, sina ñalelwa ya musali ya pepa: Ni kundumani ni palelwa ku utwa; Ni kalehile ni palelwa kubona.*]

[*Pilu ya ka i filikani, sabo sabo ye maswe i ni sweli: busihu bwa mukiti o ne ni lakaza bufetuhile busihu bwa kumbwembweta.*]

[*Ba yala tafule, ba beya balibeleli, ba ca, ba nwa: amunanuhe, mina malena, a mu toze tebe.*]

[*Kakuli Mulena u ize kuna, Zamaya, u beye mulibeleli, abulele sa bona.*]

[*Sa boni ki mpi ya bapahami ba lipizi, ba ba zamaya ka bubeli, uboni mpi ya bapahami ba ba zamaya ka likamele; mu uteeleza ka ku tokomela hahulu.*]

[*Sa huwa sina tau, Sa li: Mulena ka, Ni nze ni yemi fa tawala musihali kamukana fa tawala ya bulibeleli, mi Ni nze ni itiisa kulibelela masihu kamukana:*]

[*Mi, amubone, kwa taha sitopa sa baana, ki bapahami baba zamaya ka bubeli. Sa ekeza sa li, Babilona u wile, u wile; maswaniso kamukana a milimi ya hae a lobehezi fafasi.*]

[*Mawe wena sicaba saka, se si pulilwe sina mabele fa sihoto: ze Ni utwile MULENA wa limpi, Mulimu wa Isilaele, Ni mi bulelezi zona.*]

[*Ki bo bupolofita bo bu bulelwa fahalimwa Duma. Mutu u huwa ali mwa Seiri, Mulibeleli, busihu bu zamaya cwañi? Mulibeleli, busihu bu zamaya cwañi?*]

[*Mulibeleli u alaba uli, Masa sa patalala, mi hape ku kaba busihu: ha mulata kubuza, mu buze: musikuluhe mi mukute.*]

[Hakuna manzwi fa tepu—Mu.]

- 2 Ni itumezi, Muzwale Neville. Ki hande ku kubona hape.
- 3 Ki kakusasana, kwa sitopa sa luna sa Bibebe kakusasana cwana, sina ha lu lata ku mi lumelisa ka Libizo la Mulena Jesu. Mi hane Ni sweli ku zamaya mwa mukwakwa fa nako nyana yefitile, ni lubasi lwa ka, Ne ni sweli kunahana sicaba se si tahanga kwa keleke mwa mazazi litwa sina cwana, mi litwa ha liteni naha kaufela, mikwakwa i ba ye sabisa hahulu. Ha li tahi fela ku to boniwa. Lina ni libaka leliñwi mwa kutaha kwalona. Mi Ni tabile hahulu ka kubona sikwata se mo kakusasana cwana, kuli, niteñi, “Tumelo ya bashemi baluna, i sa pila,” i bila mwa lipilu za baana ni basali kai ni kai.
- 4 Linzwi li balilwe fela ki Muzwale Gene Goad, la kauhanyo ya 21 ya Buka ya Isaya, mo lu ka bala, fa nako nyana, mi kona lu ka lapelela bakuli. Mi cwale kwa palo, kakusasana cwana, Ni tabela kuzwisa mwatani, timana ya 11 kuisa ku ya 12: *Mulibeleli, Busihu Bu Zamaya Cwañi?*
- 5 Mi lu si ka kalisa kale kubulela, halu inamiseñi lito ho za luna fa nako nyana mwa tapelo.
- 6 Mulena Mulimu, Wena u Mulimu wa bo ndata luna. Ki wena Mulimu ya na bululezi bupilo bwa pili bo bu kiile bwa taha mwa lifasi, mi ubile ni zamaiso ya bupilo kaufela kufitela yona nako yee, mi ukana a zamaisa lika kuyakuile. Kakuli ki Wena Mubupi wa batu kaufela, ni lika kaufela ze buyela. Wena u Mubupi.
- 7 Mi lu tabile, kakusasana cwana, ka kulumela mwa lipilu zaluna kuli lisepiso za Hao ki za niti, yeñwi ni yeñwi ya zona. Mi mane mwa lisepiso ze, U bulezi kuli kaufela ko ku kopanezi bababeli kamba babalalu mwa Libizo la Hao, kuli U kaba mwahala sicaba sa Hao, ni kuli U ka alaba pizo ya bona.
- 8 Mi kuna ni lipilu ze bukiti kacenu. Sina ha ni kena mwa keleke, Ni bona bao fa milamu kamba tumbeta. Mi babañwi baputile liapalo zabona kwa mazoho, bakeñisa matuku—matuku kwa mazoho abona. Mi babañwi, Ni utwile, kuli balatiwa ba tobezwi ki balatiwa babona. Mi, oh, ki lifasi la sibi mi le li maswe! Kono, ibo, lika ze kaufela lina ni ku tokomelwa ku Mulena Jesu, Ya lu bulelezi, kuli, “Lika kaufela libeleka hamoho kwa bunde ku baba lata Mulimu.”
- 9 Mi lu ombaombiwa kakusasana cwana, ka kulumela kuli buñata bwa lika ze li ka lu tisa fa mañwele. Mi lu tabela kuhupula Mañolo, kuli, “Baba libelela ku Mulena ba ka ancafazwa mata abona. Ba ka pahama inze ba fufa sina mbande. Ba ka mata mi habana ku katala. Ba ka zamaya kusina ku fokola.” Mi sina muloki ha naize, “Ni lute, Mulena. Ni lute, Mulena, mwa ku libelela.”
- 10 Kifo, kacenu, halunze lu libelela kuutwa kuzwa zezwa kwa Kanya, ni kuzwa mwa mulomo wa Mupulusi wa luna, ka Moya o Kenile, kuli lu libelele ka pilutelele ku utwa Linzwi la Hae

libulela lika ze lateha ku luna, ka Linzwi la Hae, ni kubulela swalelo ka libi za luna, ni foliso kwa matuku a luna.

¹¹ Mi lu siye tabernakele ye kakusasana cwana, lunze lu nyakalala, ni kubulela sina bani bene bazwa kwa Emausi, “Kuli kana lipilu zaluna ne li sa cisi mwahala luna ha Na sweli kuambola ku luna mwa nzila?” Kakuli luli lu lumela kuli ki Yena Mulena ya zuhile, sina mo ne ba Mu fumanezi zazi lani. Mi U mwahala sicaba. Haluna ku katala, lipilu zaluna halina ku zwafa. Fela ha lu ncaafazeñi tumelo yaluna, hola ni hola, ku Wena. Lumeleza cwalo, Ndate.

¹² Lu kupa kuli U fuyole Linzwi le liñozwi. Ni kufuyola lizebe ze ka utwa, ni milomo ye ka bulela; mi u ikungele Kanya ku Wena. Kakuli ka Libizo la Jesu lwa lapela. Amen.

¹³ Hakuna ni yomukana wa luna ya ka ila matata. Mulimu ha si ka sepisa ku lu kambusa kwa matuku kaufela. Kono ku ñozwi, kuli, “Mata a hae a lu likana, mi Haana kubeya hahulu zeñata ku luna kono konji Sa ka lufa sishemo sa ku si lwala.” Kacwalo luna ni ciseho ya kuziba yeo.

¹⁴ Kuya kwa muhupulo wa palo yaluna cwale, ka linako zelikani feela, fa nto yeñwi ye bonahalile ku ni bilaeza mwa pilu ka liholo nyana zefitile: *Mulibeleli, Busihu Bu Zamaya Cwañi?*

¹⁵ Mwendi neli nto yeñwi, mwahala kulikela kwa lizazi ni ku unsufala. Mi neli lizazi le li sabisa mwa munzi, kakuli nekuna ni nyungano yene filwe, kuli bona, mulibeleli wa fa tawala, na lumile linzwi ka za na boni fa hule nyana mwa liluli le ne li tushana kuzwa kwa mawili a makoloi. Mi autwa lilata la lipizi ni litaku, kwa hule nyana.

¹⁶ Kono sina likalibe zepeli ze nyinyani hane li ka yema fa siliba, mi ni mwa lilimo za bunca bwa bona, nebana ni zeñata za kunahana ka zona, ze ne ba hupula kuli, kufita linzwi la mulibeleli yo mo ne liinezi. Mwendi ne li sa talusi hahulu nto yetuna kubona, kakuli nebali fela mwa liyemo za busizana. Mwendi neli bakeñisa kuli nekuna ni kuba mukiti busihu bwani, mi likalibe nyana ze ne li bata kutaha kwa mukiti woo. Mi kwa bonahala kuli temuso ya mulibeleli ne i sa lumelelani ni litaba ze ne banani za munyaka wa lifasi o no tomezwi busihu bwani. Kacwalo ngambolo hane isweli ku zwelapili cwalo, mi—mi kalibe alimuñwi na bulela ku yomuñwi, “Kuli kana ha ki nto yemaswe hahulu, kuli, mwa lizazi la luna, ha lu na ni baba bulaya tabo yaluna, yomuñwi ya ka lika ku—ku zwisa kwa matohonolo e lunani, ni kuzwa kwa minyaka ye lu kona kuikola?”

¹⁷ Mi Ni lumela kuli sani ne si ka zamaelela fela ni mutomo wa kacenu, kuli sicaba si lika ku nahana kuli ha ulika kuba ya iseza ngana kwa lika ni ku ba lemusa maziyezi a taha, mi ba nahana kuli u mutu fela ya sialezi, ya bata ku byangula minyaka kaufela ya bupilo.

¹⁸ Mi lwakona kunahana hape ka mitangana, habanze ba kuta kuzwa kwa libaka za mibeleko, ni lifateho za bona litezi masila bakeñisa musebezi o ba ne bafilwe ka nako ya musihali. Mi mutangana yomuñwi mwendi na ka bulela ku yomuñwi, “Kli lu sa kona fela kutapisa ni ku ikatulusa, nyana, ku palañi, lu ka kopana kwa mupanda, sina kamita. Kakuli Ni ziba hande kuli wena, John, ha u lyangani ka liñusa le lu utwile kacenu lani, mulibeleli yani fa tawala, ya na lika kuzwisa tabo kaufela mwa bupilo, kulika ku lu bulelela kuli nekuna ni kozi yene atumela. Kono, mwa ziba, luna ni mpi yende ku zeliteni. Mi buñata bwa masole baluna ba . . . kopananga busihu ni busihu mwa sibaka se si swana se sina luna, mi luikola kopano hamoho, zecwale ka—ka kunuha nyana cwalo kwa silikani, ni kuimbotisa nyana kwa lino. Mi Na, kasibili,” na ka bulela kuli, “na hana fela ku saba litaba zecwalo zeo za na ambola mulibeleli. Kakuli lu lumela kuli haiba nekuna ni maziyezi kaufela ana atumela, sani kaniti ba—ba baluti baluna ne ba ka si ziba, bakutazi baluna, mi ne ba ka lu bulelela ka lika ze cwalo. Mi ha lu na taba ka za kuteeleza makande a katalisa a balibeleli ba fa tawala baa.”

¹⁹ Mi haiba sani ha ki sona siswaniso luli se si ipitezi sa naha ya luna kacenu, kuli bunca bwa naha ya luna, mi isiñi fela bunca, kono ni babahulu ba naha ya luna, kaufela bona ba lyangani fela. Mi ba hana ku utwa litemuso. Mi ona fani fela mulibeleli wa niti ha fa temuso, u talimwa inge sikuba, kamba mufitelezi yomuñwi wa tumelo.

²⁰ Mi sina lizazi ha lihula ku ba busihu, mwendi musole ya fa munyako, ya sileleza minyako, u ba ya bilaela luli. Mi uya ku . . . ya bapani ni yena mwa bulibeleli hamoho, mi uli, “Kana ulumela kuli ku kaba kolo ya kuli mulibeleli yani na bulela niti?”

²¹ Mwa ziba, kuna ni sesiñwi ka ziyezi, kuna ni sesiñwi ka lifu, se si bonahalanga kuba ni mubonelo wa temuso. Linako zeñata balatiwa ha ba si ka fita kale kwa neku leliñwi, ku bonahala kuli temuso itahanga ku bona.

²² Na kona kuhupula bondate, ba si ka ya kale. Ne ba zwile mwa Kentucky ka myaha yemiñata. Kono, hañihañi fela, sesiñwi sa bonahala ku zamaya kufitelela bo ndate, kuli baye kwa ndu ya kale ku yo ambola ni balatiwa ba bona ni balikani ba bona.

²³ Kasamulaho amano kutela kwa hae, muzwale wa hae, yo ne ba si ka bona, ne ba lemusizwe ka za kutaha kwa Jeffersonville ku to mu bona. Mi hane ba sa inzi cwalo, inge ba ambola, bo ndate ba kena mwa lifasi leliñwi.

²⁴ Ni nahana za makwenyana ka ba baana. Mazazi nyana fela asika timela kale, ki hali, “Billy, kifo wena ni Na ha lu ye kwa kuzuma tumale, fahalimwa Utica. Ni bata fela kuya kwa sibaka sa kale sani.” Ka mukwa omuñwi, mwa na lukiselize Mulimu, Ne ni si ka kona kuya ni yena zazi lani. Mi aya zazi lani ku yo zuma, mi ha yo kuta ka mbasi, a—a ni bulelela, ki hali, “Ne ni

inzi fahalimwa lilundu. Kaufela li cincizwe cwale. Kono mwa lilulu leliñwi la mushitu, kwani kwa Battle Creek, fahalimwa luna fela,” ki hali, “ku bonahala kuli Ne ni utwa boma inge ba biza, ‘Oh, Frankie!’” Busihu bwani afa bupaki, mwa kalulo ya bubeli ya keleke ye, kwa nzohoto yaka, ku lakaza litapelo za sicaba ku yena. Mi mazazi nyana kasumulaho, lwa mu pumbeka.

²⁵ Ku bonahala fela kuli Mulimu kamita u lumanga mulumiwa. Ki bunde bwa Hae ni muhau wa Hae, kufa niti mwa pilu temuso ya lika ze atumela.

²⁶ Mi Ni tabile hahulu kuli mwa lizazi le lupila ku lona le cwale, kuli, fo sabo ni lififi halili kwa maneku kaufela, ku bonahala kuba sepo ye fuyozwi ye swala pilu ya sicaba sa Mulimu, kuli nako yeñwi yende Jesu uka punya.

²⁷ Mi mwa nako yetuna ya butata ye, mwa muleneñi wo, batu basanana ha ba li isezi ngana, mi ni batu babañata be ne ba saisezi ngana ku sa na bulela mulibeleli. Eni sha, ne ba li mwa mupanda, inge ba nwa, mi mukiti no sweli ku kolota. Ni masole ne basweli kuimbotisa. Mi nebana ni nako yende, ba hupula kuli neba iketile fela handende mo ne bakona kubela. “Hakuna sene si ka ba holofaza,” kakuli ne ba tukile fela, sina mo ne lu ka li bizeza, kuimbotakisa mwa tucipembe ni macwala ni lino zekola kaufela zezwakani.

²⁸ Mi hañihañi fela, kwa taha makoloi a pikuluha kutaha mwa munzi. Mi likwalo za mupanda za kwaluha, ni malapa, mi lilemano za kubulaisa za itumelela musebezi, bakeñisa fela kuli ne ba hanile ku utwa temuso ya mulibeleli.

²⁹ Mi musebezi wa mulibeleli, mwa Bibeles ya kale, neli muuna yana ketilwe. U lukela kuba mutu ya tona fa mibili ya lihalimu. U lukela kuziba hande fo kuna ni linaleli ze nyendaela, kuli abulele nako ye petehile kwa sicaba. Buñata bwa bene ba katezi, ne ba zwela fande, mwendi, mi ne ba sa lobali, ni neli kutonelela, mi na huwela mulibeleli mwa tawala, mi na huwa manzwi ao kuli, “Mulibeleli, busihu buzamaya cwañi?”

³⁰ Mi na ka talimela fa linaleli, mi kipeto uli, “Ki nako ya *kuli-ni-kuli*.”

³¹ Mi kipeto ba kutela mwa mumbeta wa bona, kamba kaufela ko ba bata ku ya, kulibelela kuli musihali u tahe, foo busihu bo bu katalisa, bwa mabote, bwa sikobyoti ha ne bu ta fela.

³² Mulimu alu utwele butuku! Ha ni zibi haiba ha ki nako, kacenu, yeo lu sa bizi Mulibeleli wa luna yomutuna kuli, “Busihu bu zamaya cwani?” Kuna ni kozi ye atumezi yetaha, mi lifasi kaufela li bonahala kunyungana mwatasa susumezo ya yona.

³³ Mulibeleli ni yena nana ni kuba fa musebezi, nako kaufela. Mi na lukela kulemusa sicaba ka za kozi ye ne atumela. Wani neli musebezi wa hae, kubona ze ne atumela. Mi na li fa tawala ye ne yahilwe yetelele kufita mamota. Mi tawala ye, nana ni kulo

kwani, ku yona, libuka za baituti ba linaleli, ni zeñwi cwalo, kuli abale linaleli ni ku ba bulelela nako. Sika kaufela se ne si taha, mwa nako ya musihali, na ka si bona.

³⁴ Mi, hape na ka kona kubona hande kufita mutu ufi kaufela ya na inzi fafasi. Na ka kona kubona hande kufita mutu ufi kaufela fa limota, kakuli nali fahalimu hahulu. Mi hauya mwahalimu hahulu, kona ukona kubonela hande fahule. Mi wakona kuziba butata bo butaha, ka bunolo kufita ba bayemi fafasi.

³⁵ Mi sina Isaya, mwa lizazi la hae, na bulela kuli Mulimu na mu ezize mulibeleli. Mulimu na swanisize bapolofita ba Hae inge limbande.

³⁶ Mi sina ha Ni kutalize hañata ka za tuto ya limbande, mbande ki nyunywani yekona kufita nyunywani yeñwi kaufela mwahalimu. Mi ina ni kubupiwa ili yeipitezi ku ya ka muinelo o ikona kuya ka ona. Cwale, maankoli haikoni ku ilatelela. Hakuna nyunywani yeñwi ye ne ka ilatelela. Ki yona nyunywani ye bupilwe ki Mulimu, mi i pangilwe cwalo. Haiba nyunywani yeñwi i kona kulika kunga sibaka sa yona, yakona fela ku shwa. Ina ni kuba ni mafufa a tiile, mafufa a tiile. Mi ki bunde mañi bo ne bu ka i eza kuli iye mwahalimu haiba ha i boni, ibe ni meto amande kuli ibone? Maankoli yakona kuba bubofu mwahali mwani; haikoni kubona. Kono mbande haiya ikambama cwalo mwahalimu, kona ikona kubona hande.

³⁷ Mi Mulimu u swanisize bapolofita ba Hae kwa limbande. Ki bona balibeleli baba pahamanga mwahalimu, ili kuli bakone kubonela hande kwahule. Mi meto abona a ezizwe ka moya kuli bakone kubona likozi ze atumela.

³⁸ Mi Mulimu na tomile Isaya kuli a lemuse sicaba kuli ne si atumela kozi, kono ne ba si ka mu teezeza.

³⁹ Mi, kacenu, Mulimu u sa na ni limbande, kamba balumiwa, kamba baana fa tawala, baba pahamanga mwa Moya, kwahule kufitelela lisipi kaufela, ni lindalamiti za atomic kaufela, ni lipatisiso za sayansi. Una ni baana baba lukiselizwe ona musebezi wani, baba pahamanga matata a Kalvari, ka Libizo la Mulena Jesu, ni kuyema fahalimwa sifapahano, mi akone ku luma Liñusa hape, "SA BULELA MULENA KISONA." Lifateho za bona za moya li kwahule hahulu kufita baprisita mwa tempele; kufitelela mutu wa fela fela wa muzamao wa bupilo; kakuli ba pumilwe hande kwa misebezi yeo Mulimu aba bizelize teñi. Kabakaleo, ki sa butokwa kuteezeza ha lu utwa litaba zetaha.

⁴⁰ Mi Ni ka cinca cwale fa nako nyana fela. Mi mukone ku isa ngana yamina ku Mulena wa limbande zee, kamba bapolofita, kamba balibeleli fa tawala. Yani ki yena Mulena Jesu, Kasibili. Mi lizazi le lupila ku lona neli lelituna hahulu kufita lizazi la Na li ku lona, kufitela, ha Na li mwa miluti ya sifapahano, A bulela

hahulu za Kutaha kwa Hae kwa bubeli kufita mwa Na ezelize ka za kuya kwa Hae. Haiba mu ka tokomela Mañolo, mu ka fumana cwalo kuli Asika ya kale, Na polofitile ka lika ze ka ezahala mwa lizazi le.

⁴¹ Na ziba kuli Una ni ku kokotelwa. Na ziba kuli Una ni kunyanda ka—ka bakeñisa mulatu. Na ziba kuli Uka zuha hape kuzwa mwa libita, ka lizazi la bulalu. Na ziba kuli nekusina mata ana ka Mu swela mwa libita, kakuli Linzwi la Mulimu ne li bulezi kuli, “Hanina kutuhelela Ya kenile wa Ka kubona kubola, kamba nihaiba kuli Ni siye moyo wa Hae mwa lihele.” Mi nekusina mata ana kona kusinya sipolofita sani. Linzwi la Hae likaba la niti, mi Li ka talelezwa mwa mwaha wa Lona. Mi Nana ni sepo ya kuli, sa na bulezi Ndate, Ndate na kona kubuluka Linzwi la Hae.

⁴² Kabakaleo, pilu ya Hae yetuna yeneli ku Yena, yeneli Lubona lwa Mulimu, mwa pilu ya Hae Na ziba kuli linako zetuna ze ne li ka taha ku to bonisa linaha kaufela, ni ku to bonisa batu kaufela. Kacwalo, he, Na ziba kuli puzo yetuna ne iliteni, kamba Na ka zuha hape, kamba haiba Na ka kokotelwa kuya ka Mañolo, kamba mane Na ka kambamela kwa Lihalimu, mi Moya o Kenile no ka taha. Kono puzo neli kuli, “Kana kukaba tumelo kaufela ye ka siyala mwa lifasi fa Kutaha kwa Hae?” Mi tumelo i zwelela kai? “Ka kuutwa Linzwi la Mulimu.” Yani neli puzo ya Hae. “Kana ku kaba tumelo mwa lifasi ha Ni taha?” Kikuli Uka fumana batu baba lumela Linzwi la Hae?

⁴³ Cwale luna, mwa lizazi le lupila ku lona, lwa kona ku apula mwa makepe a Linzwi la Hae le li fuyozwi, ni kufumana lika luli za Na bulezi kuli lika ezahala, li atumezi fa lifasi kacenu, lisupo ni ze komokisa za ezahala: “Lipilu za batu za ikalelwa ka sabo.” Kuna ni “sabo ya linako ni ñalelwa mwahala linaha. Ze sabisa mwa mbyumbyulu,” inge lika zefufa, ni ma Pentagon kaufela ba lyangana. “Mi liwate li pikuluha, ni lizikinyeho za lifasi mwa libaka zeñata. Lipilu za batu za ikalelwa, mwa sabo.” Lilwaniso zetuna za atomic zaina, kulibelega. Simbewewe si nyendaela mwa lifasi, seo lifasi ha li si ka ziba kale.

⁴⁴ Sunda yefelile Ne ni bile ni lithonolo la kuambola ni alimuñwi wa balikani baka babande ni mizwale, Captain Julius Stadsklev, yana ñozi buka yeli, *Mupolofita Upotela Africa*. Mi Muzwale Julius nali mwa California, ili zeo cwale seli kunga sikolo sa hae sesituna mwa mpi. Mi yena . . . Bona, bazamaisi ba masole, ba muisa kwa muzeko omutuna. Mi ba alunguta mwa mukowa kufitela bafumana ya nali mushemi wa kuku wa bo kuku a hae, ni litaba za kale za bona ni sene bali sona, asika ina kale mwa mukopano woo.

⁴⁵ Mi ha na zwa mwa mukopano, ni kutaha fahalimwa lilundu fo ne lu pila ni balikani babañwi, ani katana kwani mwatasa kota ya janipa, mi ki hali, “Muzwale Branham, ki nto ye bilaeza hahulu ku zo kile wa utwa fateni.” Ki hali, “Ni mwatasi a

buitamo bo Ni sa koni kubulela, kamba se ni sa koni kutuhelela zibiso ifi kaufela,” ali, “kakuli luna. . . Ba lu lwezi mwatasa buitamo bo bu tiile. Kono,” ali, “Na kona kubulela se. Mpi ika tuhela. Habana kuba ni mpi ni yekana; ki balibeleli fela babalikani fela ba baliteni. Habana kuba ni mukwa kaufela wa lifulai. Habana ku—ku kutisa nako ya bona fa kuyaha lifulai ze lubilo hahulu ni zeñwi cwalo, kwanda kuli ki za litekisano fela. Ba iseza hahulu ngana kwa kuhoha fela kulikuñwi kwa tobolo. Ku ka taha sinyeho yetuna.”

⁴⁶ Ki hali, “Muzwale Branham, nyangela ha izibi likunutu za masole mo liinezi.” Ki hali, “Manduna babatuna bani ha ne ba ambola mwa muzuzu,” ki hali, “kwa taha simbwewewe sesituna mwa sibaka, kufitela alimuñwi wa baituti ba sayansi ya na sepilwe ayema, mi ali, ‘Ni lakaza kuli kambe Ne ni ka lwala sikocikala sa kale ni komu, ni ku ku tela kwa mulaho wa malundu, mi i calele sibaka sa kabici ni manawa, ni kulibala zeo kaufela.’ Oh,” ki hali, “ikaba cwalo, haiba zibiso ye ika fita kwa sicaba, lifasi kamukana likona ku kena mwa ñalelwa. Ziyezi i atumezi.”

⁴⁷ Ki hali, “Bana ni. . . kuhoholola sicaba sa bona cwale kuzwa kwa lioli. Ba sweli kuhohela mwa England. Mi bana ni lipapazo zetuna tuna zeliteni kwande kwani, ni lilemano zeñwi cwalo. Mi ba libelezi fela kakundukundu ka pili ka missile, mi naha kaufela ika tamululwa ka nako yeswana.” Ali, “Hakuna kuba nihaiba bucwani bo bu futukile mwa lifasi, kamba lilundu li liliñwi kono kaufela li ka nyanganyiswa fa mayemo a lona. Mi za kona ku ezahala ka nako kaufela.” Oh, ki hola ye sabisa cwani!

⁴⁸ Mi lika ze kamukana ze mu utwa ka zefufa mwa mbyumbyulu. Mi ne mu utwile lipuzo ni likalabo ni muuna yani, Na sepa, maabani, fa silimba, ya ipulela kuli u ambola kwa sicaba. Hani lati ku sa kuteka muuna yani, kono mulao wa hae kaufela wa shutana ni Linzwi. Ha li si ka luka. “Mi kwa Mars, habana lifu, mi batile kwanu ku to lu luta mwa kubela ni lifu.” Kono ha li taha kwa kubonahalisa buniti, nasina neba siemba silisiñwi sa bupaki, sa na konile kupaka ka sona. Ki muhupulo fela wa litangu wa na swanisisize. Mi, kuya ka zibo yaka, ki buhata, kakuli Bibebe ibulezi ka kushutana ku sa bulezi.

⁴⁹ Na kona kubulela se Ni nahana ka zefufa. Ha ni lumeli kuli ki miluti. Ha ni lumeli kuli ki za matangu. Na lumela. . . Mi se ha siezi lika kuba ze lukile. Ki mulelo fela waka. Mulena ha si ka ni bulelela se kona seo lili zona. Kono, ka kutalima mwa Mañolo, kakuli Kwani kona ko lu fumana lika kaufela.

⁵⁰ Jesu naize, “Ona mo nekuinezi mwa mazazi a Sodoma, ki mo kuka bela ha taha Mwana mutu.” Mi ku si kaba kale sinyeho ya Sodoma, fani mulilo ha u to suluha ni kucisa munzi ni mabala kaufela, nekuna ni Mangeloi ana lumilwe kuzwa kwa Lihalimu,

ana talimile mwateni ni kubatisisa, kuli haiba litaba ze neli za niti kamba nee. Mi kana haikoni kuba fela sina Mulimu ha na ka luma Mangeloi a Hae ku to batisisa ni ku batisisa, kusika taha kale sinyeho yetuna? Mi kana mu lemuhihle? Nekuna ni Lingeloi li liliñwi lene Li tile, Lene li potezi muuna muhulu yana bile ni keto ya Mulimu, mi na pila, ali ya kendilwe ki lifasi, mwa tende kwa mulaho wa lihalaupa, kakuli yomuñwi na ketile ni kunga bufumu bwa hae kaufela. Kono yena ali, “Zeo li lukile. Ni ka ina fela mo mwa tato ya Mulimu.”

51 Ne ni ka tabela kuba mwa tato ya Mulimu kufita kuba ni masheleñi kaufela ao lifasi nelika tisa ku wena.

52 Mi haibile fela keto ya mafelelezo yani i sa ezahala, kipeto Lingeloi la Mulena la taha ku Abrahamama mi lali, “Talima kwa upa, wiko, mutulo, ni mboela. Kaufela ki za hao, Abrahamama.”

53 Mañolo alu bulelela kuli, “Mbuyoti ki ya baba ishuwa: kakuli ba ka yola lifasi.” Ki shutano mañi ye liteni? Lika kaufela za lifasi li ka shwa ni lifasi, kono Mulimu hakoni kushwa.

54 Mi Na lumela sina, Ni etelelwa ku lumela, fo kikuli, haiba siswaniso sa Lingeloi la Mulena Leli taha mi la lemuha . . .

55 Kana mulemuhihle kuli Lingeloi Lene litile ku Abrahamama? Na fulalezi mukokoto wa Hae kwa tende, fani ha Na ambola ni Abrahamama, mi ali, “Ni ka buluka sepiso ya Ka ku wena.”

56 Oh, ha ki Liñusa ni leo la Lingeloi la Mulimu mwa lizazi le, Ya ka buluka sepiso ya Hae! Ku sa lumela kaufela kwa lifasi, bahanyezi, bahanyezi, ni kusa lumela, ni kusa lumela, habana kueza Mata a Mulimu kutokwa mata. Li ka ezahala fela ona cwalo.

57 “Ni ka hupula sepiso ya Ka, mi Ni ka fa sepiso ya Ka hande.” Mi Sarah a seha mwa tende kwa mulaho wa Hae.

58 Mi mukokoto wa Hae ufulalezi kwa tende, Ki hali, “Kiñi Sarah ha sehile?”

59 Mi Sarah amatela ni kubulela kuli, “Ha ni si ka seha,” kakuli na sabile.

60 Ki Muuna wa mufuta mañi yo? Mwa komoka kuli ki mufuta mañi wa Mulibeleli yana inzi fa tawala cwale? “Ki mufuta mañi wa butu wo ku luna, ni mukokoto wa Hae ufulalezi kuna, mi kanti na ziba kuli Ne ni sehile, mwa tende?” Muhupule, Nali yena Mulibeleli.

61 Mi ki Ha sikuluha, mi ki Hali, “Eeni, u sehile.” Mi na saba.

62 Cwale, lu lemuha hape, kuli mwa lizazi le ku si kaba kale ni Kutaha kwa Mulena, ona Libupiwa zeswana ze lina ni kukuta hape. Mi ha Ni zibi, halunze lu talima kafa ni kafa ni kubona sibupeho sa Bona, mutalime se Ba sweli kueza, mi ha Ni zibi haiba buñata bwa lika ze ipitezi ze ha ki zona za bulezi Jesu kuli lika ezahala. “Ku kaba lisupo mwa lihalimu. Mi mwa lifasi ku

kaba ñalelwa mwahala linaha, nako ye komosa, lizikinyeho za lifasi mwa libaka zeñata, mi baana ba shwa ka butuku bwa pilu.” Isiñi basali; baana. Basali ha ba shwangi hañata ka butata bwa pilu. Ki baana. Si taleleza sa na bulezi Jesu kuli kona mo si ka bela. Kona ona cwalo luli sa Na bulezi kuli kona mo si ka bela.

⁶³ Mi cwale hane lu ka ya cwalo, hola ni hola, ka bapolofita kaufela, mo ba polofitezi mwa lizazi le. Kikuli ne li si ke za tiseza mutu kuhuwa kuli, “Mulibeleli, busihu bu zamaya cwani?”

⁶⁴ Ba Pentagon habana kalabo. Ba United States habana kalabo. Germany, Russia, hakuna nihaiba iliñwi ya zona ye na ni kalabo. Sayansi haina kalabo.

⁶⁵ Ki mañi yana ni kalabo? Ki Mulibeleli, yali fa limota, ya na ni kalabo. “Mulibeleli, busihu buzamaya cwani?” Mi Moya o Kenile ki yena Mulibeleli ya sweli kulukisa sicaba, ni kufa litemuso kuzwa ku Mulimu. U beilwe sina Mulibeleli. Lu bona bakuli haba foliswa, meto a libofu a kwaluha, lizebe za bo shushu ha li tibuluha, lihole za zamaya, lihole za puya. . . inge limbambala inge tolo. Kutaleleza li. . . Ki sikamañi seo? Ki Kutaha kwa Mulena, ko ku butuku.

⁶⁶ Ni lika ze kaufela, ni litemuso ze! Mi sicaba si tundamena ku tundana ona cwalo kufita mwa mikiti ya bona ya macwala, kufitela linako za bona za bukuba. Mi ba kibakiba. “Mi ba bina, mi ba ca, mi ba nwa, mi ba nyalisa, mi ba fiwa mwa linyalo,” inge fela Mulimu mwa na bulezi kuli kona mo ku ka bela. Hakuna mukwa wa ku ba tuhelisa.

⁶⁷ Mi haiba mu lemuha, mwa lusika lwa keleke yetuna ye, kuya ka Sinulo 3, mwa lusika lo cwale nekuna ni yana filwe Naleli ya Kakusasana, bukaufi fela ni Kutaha.

⁶⁸ Mutalime Isaya mwa na bezi wa Mañolo ha na bulezi kuli, “Mulibeleli, busihu buzamaya cwani?” Ki hali, “Kakusasana wa taha, ni busihu hape.” Sikamañi? Kakusasana wa taha, kono busihu bu taha lizazi li si ka pazula kale. Neli sikamañi sani? Mutu kaufela wa ziba cwalo li si ka pazula kale lizazi, bukaufi fela ni liholo za kuatumela kwa lizazi, ku to unsufalanga hahulu kufita mo ne kubezi sapili.

⁶⁹ Oh, balikani baka, muteeleze ku za kuli SA BULELA MULENA KISONA. Haiba mu ni bona kuba mutanga Hae, ki lizazi fela li si ka pazula kale. Ki kabakaleo sabo yetuna ye i kwahelezi lifasi. Ki Kutaha fela kwa Mulena Jesu ku si kaba kale. Hakusana sepo hape ye siyezi mwa nto isili kwanda Kutaha kwa Hae.

⁷⁰ Linaha li lwanisa linaha. Mi ba pumilwe ka miyaho ya lipatisiso ya Mulimu kufitela baba ni lindalamiti zekona kupancisa mutu kuba fela mufuse wa atomic. Mi ki ba bamaswe, mi ha ba utwi, mi ha ba swani ni Kreste. Mi mulelo fela obana ni, ni maikuto, ki kusinya. Mi ba susumelizwe ki lingeloi le li bulaya lene li lumilwe kuzwa kwa lihalimu ku to susumeza baana baa.

71 Mutuhele ni bulele cwana, ka Libizo la Mulena Jesu, Moya o Kenile u lumilwe sina Mulibeleli fa tawala. Mi sicaba ha si lila kuli, “Busihu bu zamaya cwani?” Kana u katezi mwa bupilo boo? Kana u katezi ka sibi? Kana u bilaezwa ka manyando a maswabi, ni matuku, ni kusaziba za bumulimu kwa maneku kaufela? Kana busihu bubile ni ku katalisa nji? “Busihu buzamaya cwañi, Mulibeleli?”

Ki hali, “Kakusasana wa taha.” Mwabona mbombolelwa?

72 “Mi busihu hape bwa taha.” Busihu ki sikamañi? Mutalime mwa kutwano ye petehile ni Mañolo, Isaya nali cwalo. Mwa buino bwa—bwa ze bupilwe, kamita ki ku atumela kwa lizazi kutisa lififi hamoho ni kulieza kuba bunsu luli. Ku unsufalanga hahulu mane lisika pazula kale kufita nako yeñwi kaufela mwa busihu. Kiñi? Ki liseli le li sutelezi le li eza bunsu.

73 Mi ki kuatumela kwa Mulena Jesu cwale koo kona kutisa sabo ye mwa lifasi. Kana Na si ka bulela kuli, “Lika ze ha li ka kala kuezahala, mu inule litho za mina, kakuli kuliululwa kwa mina ku sutelezi?”

74 Palestine ki naha. Majuda ba zwile mwa lifasi kaufela, mi ba beilwe mwani kuli ba Mu bone ha taha, sina Mulimu mwa na bulelezi kuli kona mo ba ka bela. “Muitute nguli ya kota ya feiga, ha ishoshela matali a yona.” Naize, “Kona mo ku kabelani lusika lo haluna kufela, haluna kufela, halina kufela, kufitela lika ze kaufela li ezahala.” Lusika mañi? Lusika lo lu bona kota ya feiga itubuzi matali a yona. Isilaele kamita ubile kota ya feiga.

75 “Se si siilwe ki nziye, si cilwe ki nziye,” kwa bulela Joele. “Se si siilwe ki nziye, si cilwe ki sishenyi. Mi se si siilwe ki sishenyi, si cilwe ki nziye.” Mi haiba mu ka lemuha, kani ki kambombo kakaswana. Yeñwi ni yeñwi ya likokwani zani ze ne cile kota, ki kokwani yeswana, fela ki likalulo ze shutana. Mi sibi se si swana ni ku sa lumela ko ne ku kalezi kuca Majuda, kuli, “Jesu ne si Krete,” ze ne cile kota yani konji fela sisindimwa sesi sina tuso. Mi mupolofita na iboni, mi a lila. Kono Mulena ali, “‘Ni ka kutiseza,’ kubulela Mulena, ‘myaha kaufela ye cilwe ki nziye, ni nziye, ni sishenyi.’”

76 Mi ka nako yapili ka myaha ye mianda ye twenti-faifi, Majuda ba kutela mwa mubu wa bona. “Lusika lwani haluna kufela, haluna kufela, konji lika ze kaufela li talelezwe.” “‘Mi Ni ka sulula Moya wa Ka mwa mazazi a maungulo,’ kubulela Mulimu, ‘fahalimwa bana ba Ka ba bashimani ni basizana, mi ba ka polofita. Mi Ni ka bonisa limakazo.’”

77 Bakuli ba foliswa, mata amatuna asweli ku ezahala, ka Moya o swana ono inzi ni kubulelela Abrahamama kuli Sarah na seha mwa muzuzu kwa mulaho wa Hae.

Mi lu ka huwa kuli, “Mulibeleli, ki busihu bu zamaya cwani?”

⁷⁸ Mi ki hali, “Busihu bwa taha.” Mutalime. Busihu, pili. . . Kakusasana wa taha, pili. Mi, ni busihu, hape.

⁷⁹ Ku si ka taha kale lizazi, kubanga liseli li liliñwi lelituna le li beilwe mwa lihalimu kamita, mi yani ki naleli ya kakusasana. Ha mu bona naleli ya kakusasana iba busweu, busweu ni busweu, kona kuli lifasi liba bunsu ni bunsu. Mi libaka le li monyehanga hahulu, kakuli lifasi ki le linsu.

⁸⁰ Mi Keleke ya mazazi a maungulo aa, baba bizizwe ni Mubili o ketilwe wa Krete, ba sepisizwe ka Bibeke kuli Uka ba fa Naleli ya Kakusasana.

“Mulibeleli, busihu buzamaya cwañi? Ki sikamañi se si ka ezahala?”

⁸¹ Ki se fa. Sinyeho yetuna isweli kutaha kwa lifasi kaufela. Kono ku si ka ezahala kale sinyeho yeo, Keleke ya Jesu Krete ikaya mwa Kuungelwa, ku yo katanyeza Mulena Yona.

⁸² Naleli ya kakusasana ki sikamañi? Ki sikamañi se si eza linaleli kuba ze benya hahulu ka nako yani? Ki ku atumela kwa lizazi. Naleli ya kakusasana i monyehanga liseli la lizazi. Linaleli zeñwi li bonahala ku itibala ka hola yani.

⁸³ Lituto kaufela za ipangezi mutu, ku sa izeza ngana kaufela ko kubata, ni zeñwi li ka omelela. Kono mulibeleli yani yainzi fa tawala, ni Naleli ya Kakusasana, uka bonahalisa Liñusa la niti la Mulena Jesu cwanoñu fa kuli a atumele, kakuli Yena u benya hahulu mi u benya, ka nako kaufela, sina lizazi ha li kala kupazula.

⁸⁴ Oh, Ni ka bulela kuli, linaleli za kakusasana, za nanuha ni kubenya kwa kanya ya Mulimu, kakuli kuatumela kwa lififi la mwahala busihu, ni lififi lelituna li kwahezi sicaba. Kono kakusasana wa taha, mi linaleli lina ni kumonyeha maseli a zona.

⁸⁵ Munahane ka hola yesabisa yani kona lifasi loote. Munahane simbwewewe se si maswe sani se si libile mutu kaufela ya si ka piliswa kacenu. Linaha kaufela, ni malundu kaufela, ni masimu kaufela ni mandu kaufela o ne ba nyakalala kuona, li ka eziwa musili wa tobolo, ku cisa mufuse hape, mwa nako nyana, ka kukobywa kwa liito.

⁸⁶ Kono bani baba lata Mulena, bani babana ni Liseli la Kakusasana, kuli basweli ku—ku Mu talimela, ni kuzwa kwa lika za lifasi! Mi sina Paulusi hana ñozi mwa liñolo la hae la kukwala, asika zwa kale mwa lifasi, na katezi, mi a ikalelwa, ni ku topwela. Oh, mo Ni utwela ka Mujuda yomunyinyani yani. Fani hana ize, “Kusike kwaba ya ni beya mwa butata. Ni lwanile ndwa yende, mi Ni felize takano yaka. Ni bulukile tumelo. Mi kuzwa cwale kuna ni mushukwe wa kuluka wo Mulena Muatuli ya lukile uka nifa ka lizazi lani.” Mi a hupula ka za linaleli za kakusasana ze ne taha, ki hali, “Ha ki na fela, kono ni ku baba

lata kubonahala kwa Hae kaufela.” Oh, “Mu nanule litho za mina, kuliululwa kwa mina ku sutelezi.”

⁸⁷ “Mulibeleli, ki sikamañi se si panga pampili kubulela se? Ki sikamañi se si eza sayansi kusaba ku zamaya? Ki sikamañi se si eza kuli ba Pentagon ba sabe kubeya mwateni zibiso yee?” Kakuli sicaba ne si ka ipulaya ni kuyukmbela masheleñi a bona mwa mikwakwa, ni lika zeñwi. “Ki sikamañi se si ka... Ki butata mañi? Ki sikamañi seo? Busihu bu zamaya cwani?”

⁸⁸ “Kakusasana wa taha.” Yeo ki niti. Ki sikamañi seo kaufela? Ki kubupiwa kwa kakusasana, kutaha, mi isweli kuya kwapili kwa Liseli. Li eza lififi lelituna li si ka taha kale Liseli li si ka benya kale.

⁸⁹ Ni tabile hahulu kuba Mukreste. Ni tabile hahulu kuli Ni mulibeleli wa Hae, alimuñwi wa bona, ya yemi fa limota, inza huweleza, “Mu itukise ku katanyeza Mulimu, kakuli hola ya Kutaha kwa Hae isutelezi bukaufi.”

⁹⁰ Mi mina, mwa keleke mo kakusasana cwana, haiba kuna ni alimuñwi ya sa zibi hande kuli Naleli ya Kakusasana i monyeha Liseli la Yona mwa pilu ya hao, Moya o Kenile omutuna, ha u lukise zeo. Kakuli kuna ni nako iliñwi yetuna yekile ya ezahala fateni, i fakaufi cwale. Lu yemi fa mungundo, lubuha papali ha i bapalwa.

⁹¹ Ni boni mafilimu linako zeñata, mo mwa Hollywood ni mwa libaka zeshutana, ha ba toma lipapali zabona. Ni mo ba ngela linaleli zabona, ni zeñwi zabona cwalo, ni ku libeya hande. Ni mo ne ba ba lutelaa ni lika kaufela kusika ezahala kale papali yetuna. Na komokanga nako kaufela ha ni libuha, ni kuziba kuli ne li za buhata.

⁹² Lika za kulikanyisa kaufela li pangilwe ku za niti. Haku koni kuba dollar ya buhata konji haiba kuna ni ya niti. Haku koni kuba muipi konji haiba kuna ni Mukreste wa niti. Haku koni kuba liñusa la buhata konji haiba kuna ni La niti. Haku koni kuba busihu konji kube lizazi. Kaniti!

⁹³ Mi ha Ni ba bona haba toma lipapali za bona, mi Ni hupula kuli, “Oh, lu yemi fahule nyana mwa tawala, fahalimwa sika kaufela mwa lifasi le, mi lu bona lika zepeli zetuna; kumata kwa nako, ni Kutaha kwa Mulena.” Cwanoñu, “Nako haisana kuba teni.” “Hakusana kuba nako hape,” ni Kutaha kwa Mulena.

⁹⁴ Mi antikreste, una ni sicaba sa hae se si inzi fani. Una ni swalisano. Una ni milao ye shutana: una ni bulapeli bwa keleke, una ni Bukatolika, una ni Buipanguli. Una ni lika kaufela ze tomilwe, kuli apange ponahazo yetuna.

⁹⁵ Kono Ni tabile hahulu kuli kuna ni Ndate mwa Lihalimu, Yana ni batu ba Hae, hape, mwa papali tuna ye. Mi antikreste ha ba nga ku ba kenya mwa butuku bwa lika kaufela boo, neba kuya ka nako, Mulimu u itukisize mwa papali ya Hae kuli

a nanule Keleke ya Hae mwa Kuyakuile, kukena mwa libaka za Kuyakuile, ni Mulimu Kasibili. Mi, mibili ya kale ye haika cinciwa ni kueziwa sina mwa Mubili wa Hae o kanya, mi sinyeho ye ika apala ku sa shwa, mi mwa kuswana kwa Hae lu ka yo yema kuyakuile.

⁹⁶ Mutalime! Mina mu buhanga mazimumwangala, mina baba teeleza kwa silimba, mina baba balanga mitende ya mina, mina baba tabela kuteeleza makande mi mwa komoka kuli se ki sikamañi, muteeleze kwa linzwi la ka: “Kakusasana wa taha, mi busihu bwa taha hape.” Kakusasana u tahela baba itukiselize kakusasana, mi busihu bu tahela baba si ka itukiseza kakusasana. Mi Mulimu alukise lipilu zaluna kacenu.

⁹⁷ “Kakuli kakusasana li ka pazula Kokusafeli kokunde mi busile hande.” Mi sina muloki hana ize, “Baketwa ba hae baka kopanela kwa malapa a bona mwabuse bwa lihalimu. Muta mabizo a bizwa kwani, Ni kaba teni.”

Halu lapeleñi.

⁹⁸ Mwa hola ye ya sabo mwa lifasi, ni sinyeho kwa maneku kaufela, Mulena Mulimu, luna. . . Ha lukoni fela kubulela mo lu utwela, ni buitumelo ni kuitumela kokuli mwa lipilu zaluna, kuli Jesu Krete na zwile kwa Kanya, mi aezwa mutu sina luna, mi apila mwahala luna. Mi cwale ha Na shwezi libi za luna, ataha mwa nzila ya Paradaisi, ni kunga mioyo ye libelela, na lobile mwahala mata kaufela a moya ao diabulosi na tamile lifasi ka ona, ni kueza muhala, ili kuli liseli la sishemo sa Mulimu sa Kuyakuile li benyeze baba itakaleza ku li amuhela.

⁹⁹ Mulimu, lumeleza kacenu, kuli baana kai ni kai ba ka akufele, ku akufa, kukena mwa Mubuso, kakuli Liñusa kamita libile li sikami. “Akufa, akufa, aku tahe!” lingeloi lali, mwa Sodoma, “Hakuna se ni kona kueza konji ha utaha kwanu.” Mulena, lumeleza, kuli ni ha Liñusa li ka tala muhau, ni mata, ni lilato, kono ki la butokwa. Lumeleza, Mulena, kuli batu batahe kapili mi ba amuhele Krete mi ba tazwe ka Moya o Kenile. Kakuli Jesu na bulezi kuli, “Ba ba li ba Mulimu, ba utwa Manzwi a Mulimu.” Ha ba tahe mi ba bakele libi za bona, ba kolobezwe ka Libizo la Mulena Jesu, kwa swalelo ya libi za bona, mi ba tazwe ka Moya o Kenile; kuli ba lukise moyo wa bona mwa buino bo ne ili bona keleke yapili, kona mo ku ka bela ha U taha.

¹⁰⁰ Lu itumezi kwa Liñusa, ni kulapela kuli U Li fuyole, Mulena, kwa bunde bwa lipilu zaluna, halunze lu libelela ku Wena. Ka Libizo la Jesu lwa lapela. Amen.

¹⁰¹ [Hakuna manzwi fa tepu. Mulizi wa piano ukala kuliza kulila *Haba Liza Milangu Ya Gauda.*—Mu.]

Alimuñwi ka alimuñwi lu ka kena mwa
munyako,
Kwani ku yo pila ni baba sa shwi,
Ha ba liza milangu ya gauda yani ku wena ni
na.

102 Kana ha mu Mu lati fela? Cwale, liñusa li felile, ha lu
Mu lumbekeni fela ona cwalo, mwa Moya. Fela... Uteni mo.
Manzwi, amatuna, kono ki aniti. Ni a bulela ka Libizo la Kreste.
Ku atumela kwa lizazi. Haiba u ni biza... Ni bata se... [Hakuna
manzwi fa tepu—Mu.]

... wena ni na.

Halu nanuleñi fela mazoho aluna mwahalimu.

... wa utwa...

Kikuli ha u utwi Mangeloi a opela?
Ki Jubile ya kanya haleluya.
Mwa naha ya kwahule-yende yani kamita,
Mwabuse fela bwa nuka ye benya,
Ha ba liza milangu ya gauda yani ku wena...

103 Hanza liza cwalo hape, ha lu swalaneñi fela mwa mazoho ni
yomuñwi yali bukaufi ni mina!...?...

... bunde kamita,
Kwabuse fela...
Ha ba ka... lufita fela kwa likamba lani ka
tumelo...

104 Bulelela fela mañi ni mañi, “Muzamai, Ni tabile hahulu kuba
ni mina.”

... ha se lukena mwa munyako,
Kwani ku yo pila ni baba sa shwi,
Ha ba liza milangu ya gauda yani ku wena ni
na.

Kikuli ha u utwi milangu cwale ha ilila?
Kikuli ha u utwi Mangeloi inza opela? (Ki
sikamañi seo?)
Ki kanya haleluya Jubile.
Mwa naha ya kwahule-yende yani kamita,
Mwabuse fela bwa nuka yende yebenya,
Ha ba liza zani...

105 Seo sitisa fela sesiñwi mwa munahano waka. Musala ka, kwa
mulaho kwani, wa hupula hande. Ne ni bile ni lithonolo la
kupota kwa keleke ya Pisga, sikolo sa Bibeles mwa California.
Ne nina ni sebelezo ya busihu bulibuñwi ni bona. Yani ki ndu
ya kale, ya mata. Ha ki sibaka kwa bunde! Ne ni katani bo
mulisana, Muzwale Smith. Mwa ziba, ba ñolanga pampili. Bana
ni tuso. Haba kolekangi linubu. Lika kaufela li lukuluhile.
Mi ba bile teni ka myaha ye mashumi aketalizoho ni yeñwi
fahalimu yeipitezi. Ne li kalile ka dokota yanali sihole, ataha

kwa California kwa tuso. Dokota ali, “Hakuna se si kona ku eziwa kuwena.”

Ni lumela kuli neli busihu bwa Dr. Price kamba yomuñwi, yana mu lapelezi, kwani mwa muzuzu kakusasana omuñwi. Na si ka amuhela linepo lifi kaufela, mo ne li bonahalela, ona fani. Seo ha si talusi sika kaufela. Kacwalo, akala kuzwela fande. Ki hali, “Ka mukwa omuñwi, cwalo, Na lumela, niteñi.” Mi ha kala kuhata lihutu fa litusi, lihutu la hae la sihole la otoloha. A kalisa sibaka sesibizwa Pisgah Home.

¹⁰⁶ Busihu bobuñwi Ne nili kwani, inge ni kutaza. Ne ba titihani mwa muyaho omutuna wani, mi mianda anda ni mianda anda inze ba yemi mwa mikwakwa ni lika kaufela, ko ne bailo fita kwa mulaho. Mi kasamulaho wa Liñusa kufela, sesiñwi sa ezahala, lika zepeli ze Ni si ka paka kale fateni mwa bupilo bwaka. Ne ba si fela sikwata sa batu bene ba tabela kutaza lilata hahulu. Ne si sikwata sa batu bene ba inzi, ba omile. Nebali sicaba se si tezi Moya. Mi Na ikola kopano yende yani. Mi hane luli. . .

¹⁰⁷ Ni si ka lapelela fela bakuli, ba kalisa kuopela nto yeñwi yende cwalo. Mi Na yema, mi Na komoka. Na li, “Kuna ni se si ezahala fa. Ha ni utwisisi.” Na teezeza hape, mi Na utwa likwata zepeli za baopeli. Se nili, “Ku lukela kuba se si fosahalile.” Mi Na nyunga toho yaka. Ni, kwa lizebe zaka, hape. Se nili, “O Mulena, mwendi ki ku utwahala hahulu kuzwa mwa kwaya ye *kwanu*.” Ni utwa yomuñwi kwa neku *le*, mwa halimu, libaka zetuna luli. Na li, “Ni swanela kuba kulo kwani.” Kacwalo Na zwa mwa musima wa bakutazi, kulo kwanu kuya kwa neku la ba kwaya. Na yo ba fahalimu fani.

Mi se Ni—Ni bulelela musala ka, se Nili, “Kana wa utwa zeo, mulatiwa?”

Musala ka ali, “Ki sikamañi seo?”

“Kezeli Arganbright,” Se nili, “kana wa utwa zeo?”

Ki hali, “Eeni. Ni li utwile kale fateni, mwa bupilo bwaka.”

Na ya ku Muzwale Arganbright, “Kana wa utwa zeo?”

“Eeni.”

¹⁰⁸ Mañi ni mañi ni litho za bona ze inami, inge ba opela. “Oh,” Se nili, “mwendi. . . Ni—Ni bata ku ikolwisisa. Hani lati ku kañakaña, kono, Mulena, haiba Ni paki ya Hao, haiba Ni lukela kuba mulibeleli, Ni lukela kuziba se Ni bulela. Ni lukela ku ikolwisisa ka se.”

¹⁰⁹ Inge foliso ya Bumulumu, haiba ha Ni zibi hande, Hanina kubulela sika ka zona. Haiba ha Ni zibi hande kuli kwa kona Kutaha kwa Mulena, hakuna se Ni kona kubulela ka zona. Ni lukela ku ikolwisisa.

¹¹⁰ Na kutela mwa musima hape. Mañi ni mañi ni litho za bona ze inami.

111 Mi pizo ya kwa katala, batu babañata ba kambeka mazoho abona fa lihaul, inge bataha ku Krete. Mi ne ba opela. Ha Ni to fita kwanu, Na li, “Mulena, haku konahali kuba cwalo. Batu babasweli kuopela ba kulo *fa* neli fela batu ba fela fela, kono bene bali fahalimu *fa* ne bautwahala inge kuli neli babanyinyani. . . Mwendu likiti zepeli kamba zetalu ne ba opela, *fa*, kono ne ku bonahala kuli ne ku na ni baba kuma fa handeleti sauzande fahalimu *fani*.” Mi neli iliñwi ya manzwi amande hahulu, litaba zetuna luli, sina manzwi a basali a soprano. Na teezeza, mi silami sa ni kenela.

112 Na kuta hape fa muzuzu fela. Na teezeza. Na ya kwapili, mwahalimu. Na kuta, kakuli ne ba tundamena fela kuopela mwa Moya. Na teezeza hape. Ne si linzwi *le*. Ne ni ba utwa kwanu, mufuta ulimuñwi wa linzwi; mi *le* fahalimu *fa*, mufuta omuñwi wa linzwi.

113 Kacwalo sebelezo ha ne ifelile, Na bulelela mulisana kuli, “Mulisana, Ni utwile nto yeñwi yenca.”

Ali, “Neli sikamañi sani, Muzwale Branham?”

114 Se nili, “Ne ni utwile manzwi a—a soprano a basali, ka manzwi a lutilwe hande, yende hahulu ku ze Ni kile na utwa fateni mwa bupilo bwaka, ona *kwani*.”

115 Ki hali, “Li se li utwahalile linako zeñata kwanu, Muzwale Branham.”

116 Ne ni balile za me wa kale. . . Oh, Ni libezi libizo la hae cwale, yana lapelela bakuli. Mi busihu bobuñwi kasamulaho mulisana amano kwala kutazo ya hae, bo mahe ba yo lapelela bakuli. Nana ni bana baba ketalizoho kamba baba silezi bene bali bukaufi ni yena, ni yena. Mi ayema ni kuteezeza. Mi ki musala Bo. Woodworth-Etter, haiba mukile mwa bala buka ya hae. Mi ki hautwa, abulela kuli, “Kwaya inge i opela fahalimwa keleke.”

Kasamulaho wa kukuza kwa manzwi, fafasi *fa*, I sa opela, mwabona. Mi se Ni yema fani.

117 Mi ona fani fela, kwa mulaho wa muyaho. . . Mwabona ka swanelo, kupetahala? Cwale, Na—Na lumela mwa kubulela ka malimi. Ni lumela kuli ki mpo ya Mulimu, yeli mwa keleke. Ni lumela kuli i itusisizwe ka mafosisa inge Mañolo amañwi mo angezwi ka mafosisa, kono kuna ni a niti. Eeni. Mi muuna yo ato yema kwa mulaho wa muyaho, kwa mulaho kwani, mi abulela ka manzwi amane kamba aketalizoho mwa mushobo usili. Isiñi—isiñi fela. . . Ne li mushobo wa—wa mishobo. Ne mu ka u utwa. Mañi ni mañi na kuzize.

118 Mi Sesiñwi sa taha fahalimwa ka, Ne ni sina toloko, mwa bupilo bwaka. Mi Ne ni si ka itusisa zona nako yani, kakuli Ne ni saba. Lika zani ki za Mulimu. Ki hande musike mwa angabazwa ki zona.

119 Mi Sesiñwi sali ku na, “Mulisana uka lapela tapelo ya tumelo.” Ne ni kwalile mulomo waka. Mi Na libelela. Mi ki Leo la taha hape, lindinda la taha, mi lali, “Mulisana uka lapela tapelo ya tumelo.”

120 Na hupula kuli, “Mulena, Hanina limpo za kutoloka. Yaka ki ku lapelela bakuli, kacwalo Hanina limpo za kutoloka.” Mi Na kwala mulomo waka hape ni kuyema ni kuzize.

121 Mi ona fani fela mulisana a nanuha ni kukala ku lapelela bakuli. Oh, Yena ki Mulimu! Matuku na folisizwe, mwa muyaho kaufela, kai ni kai. Ki sikamañi seo? Ki ku pazula kwa lizazi. Kuna ni mutai nyana o sa siyezi. Musike mwa bilaela. Mulimu ha si kaba fateni kusina paki.

122 Ni sepa cwale kuli kunutu yeñwi yetuna, kokuñwi, mwendi isiñi ka linzwi la Lingeloi, kono sesiñwi si ka lumeleza muezalibi kaufela, haiba kuna ni baba cwalo mwa muyaho mo, baba ziba kuli busihu ki kuhoha lififi ni bunsu fa lifasi, ni lififi lelituna. Kono Kutaha kwa Mulena ku sutelezi, ki sikamañi se si eza cwalo. Mi sina mulibeleli wa mina, Ni kali, “Kakusasana wa taha.” Mu itukise, linaleli za kakusasana, ze benya!

123 Ki babakai baba tabela ku hupulwa mwa tapelo ya kukwala lu si ka ya kale? Mu nanule fela mazoho a mina.

124 Mulimu Yomunde, Wa bona sicaba habanze ba nanula mazoho a bona. Mi ba sepahala ku se. Buñata bwa baba balanga mitende, ba balisize hande za baituti ba bunangu, libuka ni mitende ya lika zeshutana, kono niteni habakoni kufumana kalabo ni yekana. Kono ki ye ya taha, kakusasana cwana, mwa Bibe. “Kakusasana wa taha, mi ni busihu bwa taha hape.” Mi lwa lapela, Mulimu, kuli U fuyole mutu kaufela mo, ya nanuzi lizoho la hae. Mi Wa ziba se sili kwa mulaho wa lizoho lani le li nanuhile. Mi, Mulena, Ni lumela kuli ona fo bainzi cwale, kuli Mulimu yamata kaufela akone ku ba abela buswa bwa bona bwa Moya bo ba bata mwa hola ye. Ufe ku mañi ni mañi, Mulena. Ka bakala Linzwi la Hao ni takazo ya bona, ni sepiso ya Hao ya Bumulimu ye sa palelwi, ha ba amuhele se ba nanulezi mazoho abona, hanze Ni fa tapelo ye mwa sibaka sa bona. Ka Libizo la Mulena Jesu, ha ba li amuhele. Amen.

Mulimu abe ni mina.

125 Cwale luna ni fela nako yelikani ya . . . Cwale lu ka lapelela bakuli. Ni tabile hahulu ka kuziba kuli kuna ni sepo ya bakuli. “Kina Mulena Ya swalela bumaswe bwa hao kaufela, Ya folisa matuku a hao kaufela.”

126 Mi Na, ka bunca fela sina mo kuinezi, Ne ni zamaiswa fa nako nyana yefitile, ku mwanana ya lobezi fa kambeta ka. Mi yena ki—ki mukuli wa butuku bwa Hodgkin sibiti ni lubete. Mi Ni lumela kuli ki bomahe babainzi ni bona. Na ziba hande luli. Eeni, yeo ki niti, kuli me yo na ni bulelela za mwana hae, mi Ne ni lika ku mu susueza.

127 Mi ki pizo fela, hape, kasamulaho wa liñusa le. Ni ikutwa kuli piliso ki nto yapili. Foliso ki ya bubeli. Foliso ikona kuina kwa mafelelezo a bupilo bwa hao, lilimo zeñata. Ikona ku kufa tabo ni nyakalalo ha uli fa lifasi fa, kono i ka fela ni . . . fa lifu la hao. Kono moyo o pilisizwe, una ni Bupilo Bobusafeli. Haukoni kushwa, kamba hakuna se si kona ku u zusa ku wena. Li ile mwa Libuka za Mulimu, ku yo zuha mwa mazazi a maungulo. Taba yetuna ki nto yapili, “Pili, Mubuso wa Mulimu ni kuluka kwa Hae, lika zeñwi li ka ekezwa.”

128 Ni tabela fela kufa bupaki bulibuñwi bwa foliso ya butuku bo bu maswe bo musali yo a kula. Mi nekuna ni nako yeñwi kwa mulaho . . . Hakulata bateni kakusasana cwana. Hani bangi kwanu hañata kuziba kuli ki mañi. Buñata bwa mina ha Ni mi zibi. Kono nekuna ni musizana yomunyinyani mwa sikolo sa luna se si pahami. Mi nasweli kukatazwa ki butuku bwa kululuha pofu bobu bizwa Hodgkin, mi na isizwe ku dokota, bakeñisa lipofu zetuna zene sweli kutumuka fa mubili wa hae. Mi ba nga siemba sa sitombo ni ku si luma, kuli ba fumane sene sili sona. Mi ya kuta hape, “Sitombo sesisina kalafo sa butuku bwa Hodgkin lubete ni sibiti.”

129 Mi bomahe ne ba sa lati mwana kuziba butata bwa hae. Mi madokota ba eleza bomahe kuli ba mu lumeleze fela kuya kwa sikolo, kakuli na sa nani mazazi amañata a kupila. Mafelelezo za kena kwa pilu. Mi butuku bwa Hodgkin lubete ni sibiti ki kansa, lwa ziba cwalo, mwa mufuta omuñwi. Kacwalo ba luma mu—mu musizana yomunyinyani kwa sikolo, kuli a shwe.

130 Bo mahe ne ba sabile. Mi ba ni biza ka luwaile, mi bali, “Ni bata ku mutisa. Kono Na utwisisa, Muzwale Branham, kuli mwa mikoloko ya litapelo za hao, linako zeñata, u bizanga matuku ha una ni susumezo ya Moya.” Musali ali, “Kana ukaba ya musa hahulu, haiba Moya o Kenile u patulula sika kaufela ka mwana, isiñi ku si bulela?”

131 “Kihande,” Se nili, “Ha ni sepi kuli Uka li patulula, haiba Na sa lati kuli li zibahale.” Se nili, “Ha ni sepi cwalo. Mi kwa tabernakele yaka kwanu, ha Ni bangi ni mikopano ye cwalo hañata.” Se nili, “Ni lapelelanga fela bakuli.”

132 Mi kalibe yomunyinyani ataha mwa mukoloko. Mi Na buza bo mahe, “Kana u Mukreste nji?”

Yena ali, “Batili.”

Se nili, “Kana musizana yo ki Mukreste nji?”

“Batili.”

133 Se nili, “Yani ki nzila ye sabisa ya kuzwa mwa lifasi.” Mi se Nili, “Hauna ku mu bona hape, haiba u ya mwa buino bwani.”

134 Kacwalo kalibe wa mwanana hana tile mwa muzuzu kakusasana wani . . . Mi afita ona mwa sibaka se si swana se sa mwa na lapezwi musizana yo; kona ni yena musizana yo mwa

ka bela, mwa mizuzu yelikani. Na mu buza. Ne ni mu ziba. Mi se Nili, “Kana ki wena kalibe yomunyinyani ya zwa kwa sikolo se si pahami kwanu?”

Yena ali, “Ki na.”

Se nili, “Kana wa ziba butuku bwa hao?”

¹³⁵ Ki hali, “Madokota ba ni bulelela kuli ba nahana kuli Ni kaba hande.”

¹³⁶ “Kihande,” Se nili, “kucwani haiba ha u na kufola? Kana u Mukreste nji?”

Musali ali, “Batili, sha. Ha ni cwalo.”

Se nili, “Kana utabela kuba Mukreste?”

Musali ali, “Na lata.”

¹³⁷ Mi se Nili, “Kana uka fa pilu ya hao ku Kreste?” Mi musali ali uka eza cwalo. Mi bo mahe ba mata ni kubulela kuli ne ba ka eza cwalo ni bona. Ili, kone Ni ba kolobelize sibeli sa bona kwanu mwa lisa. Na lapelela musizana yomunyinyani yani.

¹³⁸ Mi nako ya zwelapili. Mi mafelelezo musizana akala kuba hande, kasamulaho wa mazazi nyana, a sa zibi sene si fosahalile. Mi kasamulaho nyana, ba mu kutisa kwa tatubo, mi ba palelwa kufumana mufunda wa yona, ni hanyinyani. Kuna ni . . .

¹³⁹ Ha ni tabelangi kubulela lika ze butuku ka batu, kono Ni tabela kuba ya sepahala ka batu. Kuna ni muuna mwa muleneñi wo, ya zibahala hande, ni muzwale yomunde wa Mukreste, kusi cwalo na si ke kuba dikoni wa keleke ye . . . Ni talusa, musepahali wa keleke. Mi uteni mo cwale. Mi a ikungela fela zona ka yena kuli atokomele musizana yani. Neli myaha kasamulaho, myaha yemibeli kamba yemilalu kasamulaho, kalibe yomunyinyani na sa felize sikolo sa hae mi na zamaya ni mushimani.

¹⁴⁰ Mi Na mu katana mwa mukwakwa zazi leliñwi, mi na tabile hahulu, mi na fa bupaki kwa kanya ni mata a Jesu Kreste, kasamulaho ba ma no mu bulelela seo nesili sona. Musizana u yani nyezwi. Una ni bana. Mi upila ka tabo.

¹⁴¹ Mi bondatahe ba tahanga kwa sibaka sa pisinisi sa muuna yoo, ku to kukuliwa milili. Mi Bo. Egan fa, yena yabile ni—ni kutalima taba yateni nako ye kaufela. Mi musizana sa i ketile mi hakuna butata. Mi fani ibile nako yetelele, Muzwale Egan? Lilimo zeñata nyana kwa mulaho, nji cwani? [Muzwale Egan uli, “Zene, zeketalizoho, lilimo ze silezi kwa mulaho.”—Mu.] Mi wa pila kacenu, kwa bupaki bwa kuli Mulimu wa folisa butuku bwa lubete ni sibiti.

¹⁴² Oh, ki nto yende hahulu kuziba, kuli mwa liholo za ñalelwa, kuli luna ni masabelo. Masabelo ao ki Kreste.

¹⁴³ Ni bata ku zibahaza ka za . . . ku mina kaufela, nto yenyinyani mwa mukopano, ye sa zo ezahala fela. Mulena neli yomunde hahulu ka kualaba litapelo za hao kaufela, hane Ni ya

kwa Wiko kwa mukopano onafa cwale, lisunda nyana zefitile, lisunda zepeli. Mi hane luli kwa Tulsa, kwa mukopano, Ne ni lukela ku . . . ne ni sa lukeli kubulela, kakuli . . . Ne ni lukela kuba ni mukopano kwani. Kono bakutazi nebana ni li ancafazo zeñwi ze ne ezahala, kacwalo Na palelwa kuba ni mukopano ka nako yani. Kono Na fitelela, kuli ni nge Muzwale Arganbright, ku muisa kwa California; musala ka ni Na, ni Joseph yomunyinyani.

¹⁴⁴ Mi busihu bwani, ha lu taha ka kuliyeha, Ne ni utwisisa kuli Oral Roberts ni Tommy Osborn ne ba lukela kukutaza busihu bwani. Kacwalo Muzwale Arganbright a biza mwa mahotela kufitela afumana fo ne luinzi, mi ali, “Taha kwa mukopano.” Kacwalo ki ha taha, yena ni Muzwale Sonmore, Baana ba Pisinisi ya Sikreste, toho ya katengo kwa Minneapolis. Ba—ba taha ku no ni nga.

¹⁴⁵ Mi Na kena mwahali, mi nebana ni mulalelo kale, mwa—mwa sibaka sa lipapali za mbola, sibaka sesituna. Bafumi ba ma milioni nebainzi mwani. Mi kacwalo mu ziba mo ne Ni ka ikutwela kuya mwa sibaka se si cwalo sani. Mane ne ni sa zibi mwa kuitusiseza litipa ni litabisa ze ne banani fa tafule. Kono Na kena mwahali.

¹⁴⁶ Mi hane Ni kena mwahali, Oral Roberts nasweli kukutaza. Mi nasweli kukutaza ka buñata bwa bupilo, buñata, ni kubulelela Baana ba Pisinisi ya Sikreste, kuli, “Jesu na sweli litapi, na li beile mwa tunyandi, mi ne bana ni zeñata za na kona—kufitea ze ne ba kona kuitusisa.” Mi Muzwale Roberts ki mubuleli ya mata, sina ha mu ziba. Mi ki hali, “Kuna ni zeñata ku mañi ni mañi.” Mi ki hali, “Cwale, Ni yaha a—a tempele kwanu, mwendi ikona kuba madollar akuma fa milioni.” Ali, “I yahilwe ka licwe le lisweu.” Mi ki hali, “Ni nani yona mwendi licika la fahalimu, mi Na felelwa ki masheleñi.” Mi ali, “Mi se Ni ya mwa mukwakwa zazi leliñwi, ku yo i talima, mi diabulosi ali, ‘Mwa ziba kana? Sicaba si ka fita ni kubulela kuli, “Sani kona sa na ezize Oral Roberts.””

¹⁴⁷ Ki hali, “Mi se Ni bulelela diabulosi kuli, ‘Kono ba ka bulela kuli, “Oral Roberts u likile.”” Zeo ki zende. Mi ki hali, “Mi ne i beilwe fa pilu ya likamba, ona mwa muleneñi mo, bani ne ba ni kolotisize likoloti, zetuna, mane kubata kufita fa milioni dollars kuzwa kwa panga, kuli ni feze kuyaha muyaho.” Lipanga ha li ezangi cwalo. Mwa ziba cwalo.

¹⁴⁸ Mi ki hali, “Muuna wa pisinisi yani, wa mwa panga, uteni mo cwale.” Ki hali, “Ha ni lati kupunda libizo la hae, kakuli yena ha ki wa sicaba sa Evangeli yetezi. Kono,” ali, “uteni mo.” Mi ali, “Ha—Ha ni sepi kuli mane u ipapata kuba Mukreste. Kono,” ali, “sesiñwi sa shenyisa pilu ya hae, mi ani lumeleza kuba ni masheleñi.” Ali, “Haiba ubata kuyema,” ali, “na ka kona, kono ha Ni na ku swabisa muuna yani.”

149 Muuna yani ayema, ali, “Ha ni swabi, Bo. Roberts,” mi aina fafasi.

150 Mi se Ni kena, mi ne ni inzi fafasi. Mi Muzwale Roberts, hana sa felize fela, ataha kuto swalana mwa mazoho ni na, ni kuni hola kwa mazoho. Mi ka mizuzu fela yelikani, cwale, eni sha, buñata bwa batu ba taha, mwa ziba, inge ba bulela inge lu sa ca, ni kubata mikopano ni zeñwi cwalo, ni bakutazi.

151 Mi cwale Demos Shakarian a nanuha. Ki mutompehi wa katengo ka ba Pisinisi ya Evangeli Yetezi. Mi a yema mi ali, “Mwa ziba, Ni ikutwa fela kuetelelwa kuli Muzwale Branham u lukela ku lu kutaza kwateni, busihu boo, liñusa la mafelelezo.”

152 Kihande, Ne ni sa zibi sa kubulela. Mi akala ku bulela ka baana bene bali mwahali mo, kuli, “Ki yo fa wa *Kuli-ni-kuli*. Ni mu katani kacenu.” Ne ba ni bulelela kuli muyaho tuna wo ki wabona olikana lipatelo zetalu kamba zene wa Miracle Mile. Ma milioni amañata ñata ni likomu, ni zeñwi cwalo, mi ki sikamañi se Ni kona kubulela mwa mukopano o cwalo?

153 Kono, mwa ziba, ki nto yende kamita ku utwela. Kacwalo Na yema kuli ni bulele zende ze Ni kona. Mi kwa mafelelezo a sebelezo . . . Kaufela ha li zwile mwa sikuka sa kufa aletare mwa sibaka se si cwalo. Kono, mwa ziba, Ni ezize lipizo za kwa katala kwa lisebelezo za maswabi. Kacwalo Na hupula kuli, “Ki ye kolo yende.” Mi Na—Na bizeza sicaba kwapili. Mi baana baba fumile bani kaufela ni basali ba taha ku Mulena Jesu, mi bafa lipilu za bona ku Mulena.

154 Ne ni komokile kubona mbombo alimuñwi wa ma milioni, mufumahali wa ndatetuna wa ma milioni a mañata yani ni kuwani yenyinyani, ni mafufa abonahala bunde kwa matuko fafasi, mwendi nakona kulekiwa ma dollar aeza mwanda. Mi mioko inge ibuba fa malama a hae. A ni swala kwa lizoho, mi ali, “Muzwale Branham, pilu yaka ya lobeha.” Ki hali, “Ne ni hupula kuli Ni Mukreste, kufitela cwale.” Ki hali, “Ni bata kusebeleza Mulena.”

 Mi Na li, “Ni itumezi.”

155 Mi cwale mwa mizuzu yelikani, Sesiñwi sali kuna, “Lapelela bakuli cwale.”

156 Na hupula kuli, “Oh, batili. Hani koni kueza cwalo. Ni lyanganisize kale . . . sibaka sesituna sa mbola se. Kacwalo haiba Ni lapelela bakuli, ba ka nahana kuli Ni mufitelezi wa tumelo luli.” Kacwalo Na hupula kuli, “Kaniti Mulena hana ku ni bulelela cwalo. Mwendi Ni lyangani fela ka bakeñisa zona lingambolo zee, kacwalo Ni ka shenya fela ni kuina fafasi.”

157 Mi Na ya fa tafule ya mubuleli, ku yo ina kwa mafelelezo luli, ni kuina ni Muzwale Jack Moore, ne ni inzi fani, inge ni ambola. Mi se Ni sikululela sebelezo ku mueteleli wa bona, Bo. Shakarian.

158 Mi cwale hana—hana yemi, mi ki hali, “Wa ziba kana?” Oh, Mulimu mwendi na mu sweli fa liheta. Ki hali, “Ni ikutwa kuetelelwa kuba ni Muzwale Branham akute a to lapelela bakuli.”

Na hupula kuli, “Oh, ona cwalo fela.”

159 Mi Na nanuha ni ku ba bulelela. Mi se Nili, “Na utwa cwalo. Mi Na lapela kuli Mulimu ani swalele. Kono ku hande kuli mutu ha swelwi, ni yena, mwa ziba, ku lueza kuziba kuli ki musebezi wa Moya.”

160 Kacwalo se Nili, “Cwale, foliso ya Bumulimu ha ki kuswala kwa musumo wa kota. Ha ki nto fela ya ku nahanisisa. Ki Mulimu ya swana yana pilisize sicaba se kaufela kwanu nako nyana yefitile. Ki Mulimu ya swana ya folisa batu kaufela babali mo, ka tumelo yebunolo fela ha ba Mu lumela.” Se nili, “Kana mwa lumela cwalo?”

161 Mi cwale kwa kunutu, kwa keleke yaka. Sina ha mu ziba, bulumiwa bwaka bwa cinca, mi, oh, ha ki cinceho kwa kanya! Oh! Kaufela mina mwa hupula Manzwi asweli kupikuluha. Mi nako kaufela hali ezahala, sesiñwi sa ezahalanga, ha Ni kena ku yo ambola ka zeo, taha—taha ku na, “Bulela kwa lilundu le.” Kiñi ha ku bile cwalo? Ibile tumelo. Sika kaufela ki ka tumelo. Tumelo ha ki sika so beleka. Tumelo ki sika so nani.

162 Mi Na hupula kuli, “Haiba . . . Ni bile ni swabela tumelo yaka, ka sicaba, ka bunde fela sina Mulena mwa bezi.”

163 U bonisize lika, u bulezi lipono. Lika kaufela libile ze petehile. Mina sicaba mwa ziba cwalo. Ha ki mutu anosi. Ha ki mutu. Ki Mulimu ya li eza.

Mi siswaniso se *fa*, mo si zamaezi mwa lifasi!

Zona mwa Germany!

164 Mi kwanu lisunda nyana zefitile, mwendi kuna ni baenyi mo baba si ka sibona kale, ba na ni sesiñwi. Nina ni sona kwandu. Ki siswaniso sa Mulena Jesu ayemi kwa mulaho kone Ni yemi. Mi mazoho a Hae azwa, ni malimi a Mulilo asweli kutuka mwa lizoho la Hae, hane Ni sweli kubulela fa tuto yeli, “Bulelela lilundu le kuli, ‘Aku shimbuluke,’ mi usike wa kakanya mwa pilu ya hao, kono ulumele.” Mi luna ni ona. Si mwa mibala ya Techni- . . . Kodachrome. Mi bana ni zona kwa lapa cwale. Mi basweli kueza . . . Li tatubilwe cwale ka sayansi, ni zeñwi cwalo, ni tutengo twa ba lipatisiso. Si ka zwa cwanoñu nyana, se siñwi hape, si eza mwendi ze silezi za zona mwa libaka ze shutana, ze se ngilwe.

165 Se kona se ipitezi hahulu mwahala zona kaufela, ze ba si ka bona kale. Ki wani mulelu wa Hae—Hae, sifateho sa Hae, mayemo a Hae, mazoho a Hae inza lepelela. Mi Ne ni yemi ona cwalo sina *cwana*, mi ko Anani mazoho a Hae, hamukoni nahaiba kubona sibaka sa ka, sina cwalo; toho yaka, mi mautu aka na

kubama fafasi, toho ni mautu, kona fela ze ne siyezi. Mwabona? Mi Yena—mi Yena u yemi ni mazoho a Hae sina *cwana*. Mi Na nanula mazoho aka sina *cwana*, inge ni kutaza, nali, “Bulelela lilundu le.” Mi ka yona nako yani, sesiñwi sa ezahala. [Muzwale Branham uliza minwana ya hae—Mu.] Mi ba pikica siswaniso sa Sona cwalo. Mi ki Sani fani, kwa mulaho, kaufela mwa mibala. Mi ni yetuna, sina Mulimu mwa ka lukiseza, sizuma sesituna sa lipalisa zende sibeilwe fakaufi.

¹⁶⁶ Ki yena Mulilima wa mwa Libala. Mi mu fumana kai mulyani wa opiamu wani? Mwa palisa ya mulilima. Yani ki niti. Ki Opium mañi yana ni Mulimu? Kozo. Opium i ka kulibalisa fela matata a hao kaufela. Bazubi ba opium, kona mo ba ipulaelanga ni opium cwalo. Mulimu una ni Mulyani wa kulobaza wa opium. Amen. U bunolo butuku kaufela, u folisa matuku kaufela, u zwisa lipilaelo kaufela. Haibile fela lu buyela mwa mulyani wa Hae wa Opium, lu mwa kozo.

¹⁶⁷ Mi ni sizuma sesituna sa lipalisa si beilwe kwapata, kone Ni kutaleza, fa katala.

¹⁶⁸ Mi Na lapelela bakuli, kwani kwa Tulsa, mi Na zwela fela fande ni kuikela. Mi mwendi kasamulaho wa mizuzu yelishumi cwalo. . . .

¹⁶⁹ Hani lati kupunda libizo la mubuleli. Kono musali yana kula kuopa mwa lingongo ni moongola, ya na sebeza ku mubuleli wa hae, nali muñoli wa ze bulelwa. Mi nana ni ku swanisisa sina *cwana*, kakuli mazoho a hae ni maheta na tamilwe. Na swanisizwe ona *cwalo*. Mi yena—yena mubuleli yomutuna yani kwa Tulsa, na mufile musebezi mwa sibaka sa hae, ku mu kenya musebezi.

¹⁷⁰ Mi akala kutaha inza zamaya mwa muyaho. Mi hañi hañi fela mazoho a hae a putuluha, mi akala kutulaka ni kuhuwa, kufitela a to ebelisa maikuto a mutu kaufela kulo kwani. Mi musali yomunde yani awa ka mañwele, ni kunanula mazoho a hae ni kukambela *cwalo*. [Muzwale Branham ukambela mazoho a hae—Mu.] Kanya ya Mulimu, kakuli Mulimu na mu lukuluzi, fa nako nyana fela kasamulaho wa tapelo.

¹⁷¹ Mi Na kena mwahali, ku to teezeza ni kubona sa na bulela. Ki hali, “Ne ni sweli fela ku zamaya mwa muyaho.”

 Mi se Nili, “Kihande, tumbo ibe ku Mulimu.”

¹⁷² Mi Na sikuluha, na kala kuya ka nzila isili. Mi Na utwa, kulo kwani, na bona baezalibi kaufela inge ba matela hamoho, kubona butata bwa teni. Mi fa nekuna ni muuna yana inzi fa bulilo, Muzwale Gardner, yena muuna yana ni file suti yee.

¹⁷³ Buñata bwa mina mwa muziba Muzwale Gardner. Muzwale Gardner, mwa Binghamton, New York, mulekisi wa limota za ba Oldsmobile mwa lilimo zetalu za mafelelezo, alekiswa hahulu limota za Oldsmobile kufita mutu ufi kaufela mwa

United States. Mi kipeto fufela mwa fulai ya kwa mukunda. Mi hanyinyani kasumulaho wa silimo. . . Libizo la hae ki George Gardner. Mi yena. . .

¹⁷⁴ Mufufisi wa hae wa fulai, nasweli kufufa anosi, mi awa mi, fulai, ki ha pwaceha mañwele ahae, lingongo za hae. Mi mautu a hae ni mahutu na omelezi, mi na zamaya sina *cwana*, mufufisi wa hae wa fulai.

¹⁷⁵ Mi nali teni tapelo ha i fiwa, mi na sa zwile mwa muyaho mo ne kuezahalela mukiti. Mi ne ba mu fumanezi sibaka fa kaufi, hape, kuli asike aba ni butata kukuta kwa mulaho ni kwa pata. Mi fa nekuna kibo bupaki bwa hae. Na ile mwa muzuzu wa hae ku yo ina fafasi; mane na si Mukreste. Mi ki hali, “Ka mukwa omuñwi, Ni lumela kuli mucaha wa sitenda yani ya kitalize busihu boo.” Mi abulela kuli akala kulemuha kuli minwana ya hae ya mautu yakala kunjanja. Mi atula kuyema ka mahutu a hae, mubili kaufela wa butu.

¹⁷⁶ Inza yemi fani, inza lumba Mulimu, inza yemi, mahutu a hae mwahalimu ni fafasi *cwalo*, ni kwa mahutu a hae ni lika kaufela, inza paka fela kwa kanya ya Mulimu.

¹⁷⁷ Hañwi hape, lu si ka lapelela kale bakuli. Ne ni pila ni Muzwale Arganbright. Mi mulikana ka yomunde, Leo ni Gene, mwa ziba seo luwaile luli sona. Inza liza luwaile, ni Muzwale Arganbright na ka alaba. Mi, mwa ziba, haukoni kuba kai ni kai. Kono, kwa ezahala kuli, Na nanula luwaile.

¹⁷⁸ Ni lumela kuli lika kaufela libeleka mwa nzila ya Mulimu ye swanela yelukisizwe. Kana ha mu lumeli? Ni lumela kuli kona za tezi kwanu musizana yoo. Ni lumela kuli kona ze mutezi kwanu kaufela mina. Ni lumela kuli kona ha Ni li mo, kuli lu kopane hamoho kwa kanya ya Mulimu, ka libaka leliñwi. Ki kabakalañi hane lutile kwa libaka za litwa, fa kuba mo kakusasana cwana?

¹⁷⁹ Kacwalo Na nanula luwaile, kakuli Muzwale Arganbright na siyo mwa muzuzu. Mi ki hali, “Ni tabela kuambola ni Muzwale Branham.”

Se nili, “Kina Muzwale Branham.”

¹⁸⁰ Nali mutu wa mu Spanish. Ki hali, “Muñaka, Ni ziba kuli ha ku swaneli, mane, kuli ni buze puzo ye Ni ka buza.” Ki hali, “Na kona ku nahana mo batu ba kataleza, ni zeñwi cwalo. Kono,” ali, “Ni mukutazi mwa Mexico.” Mi ali, “Kwa mulaho kwanu, Ni pila kwanu kwa La Crescenta. Mi Ni utwile fela, liholo nyana zefitile, kuli no li mwa munzi.” Mi ali, “Ni tisize mbututu waka, kulika ku mutisa ku wena kamba Muzwale Roberts, kamba babañwi ba mizwale baba lapelela bakuli.” Mi ki hali, “Kakuba kuli ki mbututu waka, tumelo yaka, Na sepa, ubile fela ya fokola nyana.” Ki hali, “Mbututu waka ha si ka kwanisa kale neba likweli zene za kupepwa mi u bulaiwa ki kansa.”

Mi Sesiñwi sali ku na, “Zamaya ku mbututu yo.”

181 “Kihande,” Se nili, “muñaka, Ni ka nga Muzwale Arganbright, mi u mu bulelele ko kuinzi mbututu, Ni ka kopana ni wena.” Kacwalo a nga . . . Na nga Muzwale Arganbright, mi a mu bulelela.

182 Kacwalo lwa kena mwa mota ni ku shetumuka. Mi Na katana musala hae yomunyinyani. Mi yena ka kuba mu Mexican, ni ha na sa bonahali cwalo. Na li wa litalo lelisweu, yomunde, kono na li mu Mexican. Zeo, ma Mexican, linako zeñata, ki ba milili yemifubelu, kakuli ba mwahala ma Spanish ni ma Indian. Mi kuna ni ma Indian babañwi ba milili yemifubelu, yesweu twaa. Mi cwale musala hae neli mu Finnish, wa milili yemifubelu luli, musali yomunde luli yomunyinyani.

183 Mi Na ya kwa sipatela ni yena, ku yo bona mbututu wa hae. Ha Ni kena mwa muzuzu, ne bana ni yena bukafu ni nkambe ya ma nasi. Kakuli, mbututu yomunyinyani, wa likweli zene feela za kupepwa, mi na pepilwe ni litombo ze sa foli kwa mitahali, ze ne to luluhisa sifateho sa hae kuba butuna *cwana*, sina *cwalo*, kululuha luli cwalo. Mi madokota ne ba likile kupazula. Mi bibonena byebituna ne bi pazauzwi mwa mumizo, kwa libaka zateni kaufela. Ne li si ka li paleliswa; fela ne li matela mwa lulimi lwa hae. Ni mitahali yenyinyani inge ilepelela *cwalo*, ni mañiba amatuna luli. Ni lulimi lwa hae . . . Mulomo nyana ha u si ka fita kale fahalimu *fani*. Mi lulimi lwa hae, mwendi butuna *cwana*, ne lu luluhile, ne lu labukile sina *cwana* fa, ni kukuta mwahali. Mi ki ha lutiba kubuyela mwa lingo za hae kutaha mwatasi, ha ne lu luluhile kwahalimu a mulomo wa hae. Mi eni sha, lu tibela kubuyela kwa hae, kuzwa *moo*. Nebana ni kupunya musima mwa mumizo wa hae. Mi nana ni pindo nyana yenyinyani . . . inge kakapa nyana mwa mumizo wa hae. Mi mazoho a hae amanyinyani na omelezi luñañali, sina *cwana*, kuli nekuli tata kuhoha pindo yani fande; ne i ka mu taba fa mumizo. Mi kansa, inge i mu omisa mali, cwale nasi nana ni kuyemelela kwani ni sibyana sa kuhohisa kansa yani ka pindo yani, ku si cwalo na ka ishwela.

184 Mi ndatahe azamaya kwa matuko a mumbeta, mi ki hali, “Ricky, mushimani yomunyinyani wabondate!” Ki hali, “Tate u tisize Muzwale Branham kuli aku lapelele, Ricky.”

185 Fani hana ize, “Mushimani yomunyinyani wa bondate,” moya waka wa ni siya fela. Na palelwa fela ku itiisa. Ne ni swalelezi fela kwa tuko a mumbeta. “Mushimani yomunyinyani wa Bondate.” Mi mwana yani, imbo nali mwa bunca bwa hae, na ziba kuli neli bo ndatahe. Mi akala kubuyana ka lilata la miloli cwalo, ni mazoho a hae amanyinyani sina cwalo. Mi yena na lika kunata nata mwana yani kwa toho. Mbututu yomunyinyani, ya pepezwi mwa buino bwani. Ne ni sa koni fela kubulela. Na fela . . . Mwa ziba, mu ka ikutwa fela kutala, hakuna zemukona kubulela.

186 Na talima fafasi, na bona mazoho a masisani ani a comohile mwa kuomelela kwani. [Muzwale Branham ueza lilata la kuhuwa—Mu.] Ni kueza lilata fa kubuyana. Mi Na hupula kuli, “Ha ki makeke ni ao!”

187 Mi kasamulaho Ni mano potoloha cwalo, kuli ni nahane nto yeñwi, Na hupula kuli, “Jesu, kana U talusa kuli Uka fumana munyaka ka kubona sani? Ha ni koni ku lumela cwalo. Ha ni koni fela kulumela kuli Uka amuhela kanya ku mbututu yomunyinyani yani yasweli kunyanda cwalo. Ha ku konahali fela kuba cwalo. Mbali na, muezalibi, ha Ni ka ikutwa cwalo ka mbututu yani, si ka eza sikamañi ku Wena, wena simbule sa sishemo kaufela? Si lukela kueza sikamañi ku Wena?” Mi Ne ni si ka bulela manzwi mane.

188 Na lika ku bapala ni yena, kuli a mu kuzise. Mi mubili wa hae omunyinyani atinile fela daipa nyana cwalo, yekwana fela . . . Mubili omusisani, ni zeñwi kaufela, ne si yetuna *cwana*. Mi toho ya yona neli yetuna luli, mutahali wa yona no luluhile hahulu. Mi ne ba mubeile sika kwa toho, kuli toho ya hae isike ya kwalula ku panca. Mwa ziba, lisila; mitahali ya hae ne iluluhile maswe, sina *cwana*, kuli isike ya panca. Mi nasi na yemi fani.

189 Mi Na talima fafasi ku mwanana yani, mi Na hupula kuli, “Mulena, ki sikamañi So no ka eza kambe No ka yema fa?”

190 Cwale, Ni lemuha kuli Ni fa katala. Mi Ni lemuha kuli Mulimu uteni mo. Kono ne ku bonahalile kuna kuli Sesiñwi ne si ambozi mwa moyo waka, mi ali, “Ni libelela kubona so ka eza ka sona. Ni file mata a Ka kwa Keleke.” Ki fo he cwale za kuta hape ku za kuli, “Mu bulele kwa lilundu le.” “Ni file mata a Ka kwa Keleke, mi Ni libelezi kubona se mu ka eza.”

191 Ha ni zibi haiba wani kona mubonelo wa Hae ku luna ka nako kaufela, kuli U libelezi kubona se lu ka eza. Ku cwani he ka lisupo za nako ye lubile lu kutaza ka yona? Ki sikamañi sa Na ka eza? U libelela kubona se lu ka eza.

192 Kihande, Na swala lizoho la mbututu waka, mwa minwana yaka fela, ona *cwalo*. Neli yenyinyani hahulu. Mi se Nili, “Mulena, utwa tapelo ya mutanga Hao. Mi ka tumelo, kuli Ni lumela kuli ki Wena, Ni beya mwahala dimona ya kansa ye ni bupilo bwa mbututu, Mali a Jesu Krete. Mwahala sibulai ni mbututu, Mali, ka tumelo Ni beya sani.” Mi hakuna ne Ni si ka kubulela sika hape.

193 Na fetuha fela ni kukala kuzwela fande. Bo ndatahe ba ni latelela. Mi bali, “Muzwale Branham, Mulena u ambozi mwa pilu yaka kuli ni kufe za bulishumi.”

194 “Oh,” Se nili, “muzwale, usike wa nahana cwalo. Batili.” Se nili, “Ha ni tokwi masheleñi, muzwale.”

195 Ki hali, “Kono Ni siile za bulishumi.” Oh, masheleñi nyana, Ni libezi cwale kaswanelo fela, Ni lumela ki madollar a mashumi

aketalizoho. Ki hali, “Mulena u si beile mwa pilu yaka kuli ni si fe ku wena.”

¹⁹⁶ Se nili, “Ni ka ku bulelela. Ni ka li amuhela, mi kipeto u li fe ku Ricky yomunyinyani kwani, kuza—kwa litifo za hae za sipatela. Kakuli, u mukutazi. Na ziba seo sili sona, seo masheleñi atalusa. Mi wena, mulumiwa wa linzwi, mi Ni ziba kuli si lwala masheleñi. Mi una ni lubasi, ni litifo za dokota zani kaufela. U beye ku Ricky yani fa litifo za hae.”

¹⁹⁷ Ki hali, “Ha ni lati kueza cwalo, Muzwale Branham. Ha ki kulifa madokota. Ki kulifa bakutazi.”

¹⁹⁸ Mi se Nili, “Eeni, kono Na ku kutiseza zona.” Mi Na li hana.

¹⁹⁹ Mi Na ya kwa ndu, mi mwa taba ya liholo zelikani, mitahali yani yakuta mwatasi, mi lulimi lwa hae lwa kuta mwa sibaka sa lona. Mulimu a folisa mwana yani. Ne ba sweli kuzwisa muloli kakusasana ha Ni funduka, kuzwa fa mumizo wa yona.

²⁰⁰ Ne li sabisize Likamba la Wiko kaufela. Dokota ya zibahala hahulu na lumile mwana hae, ni muikulu wa hae. Mi se ba puma mukwakwa, kafoo, limali ze mashumi amane kamba mashumi aketalizoho, mwa Pasadena, ni kupuma mukwakwa o ne Ni fitanga, ku to lapelela mbututu yani yana katazwa mwa booko. Ne ba ifile ndonga ya penicillin, mi ya tisa kansa kuzwa kwa mata a ndonga ya penicillin fa noka. Mi Ni ziba kuli Mulena na mu folisize.

²⁰¹ Ni si ka zwa fela mwa ndu, luwaile lwa lila, ne lu tundamezi kulila. Muzwale Arganbright, Na mu utwa inza kanana ni yomuñwi, ali, “Batili, Hani koni kueza cwalo.”

²⁰² Ha Ni li fela ni kene mwa mota, nekuna ni—ni simbayambaya nyana sene si taha. Neli mañi yani kono neli muzwale waka wa mu Mexican ni musala hae! Sibeli sa bona ne ba lila ni kulumba Mulimu. Ali, “Muzwale Branham, Ni tisize sa bulishumi se ku wena.”

²⁰³ “Oh,” Se nili, “muzwale, Hani koni kuamuhela seo.” Se nili, “Hani koni fela kueza cwalo.”

Ki hali, “Kono Ni li tisize ku wena.”

Ali, Se nili, “Ni ku bulelezi kuli uli beye fa litifo za Ricky.”

²⁰⁴ Ki hali, “Kakusasana cwana, hane Ni ilo fa dokota za bulishumi ze, kuli li ye ku Ricky, dokota ali, ‘Hakuna so ni kolotezi.’ Ki hali, ‘Ne ni sina sa kueza ni sona.’ Ki hali, ‘Yeo ki taba ye ipitezi.’ Ki hali, ‘Ni . . . Ha u si ka ni kolotela nihaiba pene iliñwi.’” Kacwalo ki hali, “Nga se, Muzwale Branham. Mulena u ni bulelezi kuli u ka si amuhela.”

²⁰⁵ Na hupula kuli, “Oh, ha Ni koni.” Se nili, “Mulena, Ha ni ikutwi inge kueza cwalo.”

²⁰⁶ Mi sesiñwi sa taha ku na. Jesu na yemi zazi leliñwi, inza talima baana babafumile bani mwa buñata bwa masheleñi.

Oh, neba na ni zeñata, kacwalo nebafa zeñata. Mi mbelwa yomunyinyani ataha ni tupene to tulaalu, mi kona fela za na sweli. Kona fela za na pila kazona, mi a tu yumbela mwateni. Cwale ki sikamañi sene luka eza? “Oh, kezeli, usike wa eza cwalo. Huh-uh. Wa ziba, ha lutokwi zeo. Usike wa nepela zeo mwateni. Zeo kona zo ipilisa ka zona.” Kono Jesu na mu tuhelezi fela kuzwelapili ni kueza cwalo, kakuli, “Ki nto ye fuyozwi hahulu kufa kufita ku amuhela.”

²⁰⁷ Ni na ni za bulishumi za bulishumi. Ha ni zibi za kueza ni zona. Ni ka li beya kokuñwi, mwa musebezi omuñwi wa kanya ya Mulimu, kokuñwi ku zende ze Ni kona.


²⁰⁸ Ki sikamañi seo? Ki Kanya ya Mulimu. Ki Mata a Mulimu. Miluti isweli kuwa; Kreste wa bonahala, ki kabakaleo lisupo ni ze komokisa za bonahala. Ki lona Liseli lelituna la Mwana le li monyeha kuzwa fa linaleli za kakusasana, ni foliso mwa mafufa a Hae. Mi haiba Uka tisa foliso kuzwa fa Pila Hae, ki sikamañi Sa ka eza Ha taha ka Butu bwa hae? Mibili yaluna ye bola ye i ka cinciwa ni kueziwa sina mwa Mubili wa Hae Tota o kanya. Ku kaba cwañi Ha taha? Kufitela A taha, lu itumezi ka Liseli la Mwana la Kubateni kwa Hae, sina linaleli za kakusasana ha li pahama fa mabala a Kanya, ni kuina fani kuli i lumele Kutaha kwa Hae mwa hola ye nsu yee.

Halu lapeleñi.

²⁰⁹ O Mulena, lwa Ku lata hahulu kufitela, Mulena, ha ku sa konahala kubulela butelele bwa nako. . . Ha lu katali ka kufa bupaki bwa milumbeko ya Hao. Kono hola ki ye fa cwale, kuna ni sicaba se si kula se si libelezi. Wena uziba bupaki boo. Ki bwa hao, kuya ka mo Ni zibela, Mulena, ki niti ya luli. Ka za mufufisi wa fulai yana yemi fani, kubonisa mwa ka yemela ka mahutu, ni buino kaufela boo mubili wa hae noli kubona; mi ahoha mahutu a bulukwe bwa hae ni kubonisa mañwele a hae ni mahutu ana cancaukile ni kuba ni bibonena, koo baalafi ne ba likile kubeya masapo hamoho. No boni musali yana yemi fani ni mipende kwa sifateho sa hae, mi ne li tapisa ka mioko ya kunyakalala, sina ha na bulezi kaza butata bwa kuopa mwa lingongo kwa hae kuli u folisizwe ka Mata a Hao. Mi ka mbututu yomunyinyani yani, ni bupaki bwa ndatahe ni bani bene bali teni.

²¹⁰ Cwale, Mulena, U yomutuna fela mo kakusasana cwana, mo mwa tabernakele, sina mo U inezi kai ni kai mwa lifasi. Mi U sepisize kuli ki ko lu ka kopana hamoho, kuli Ukaba mwahala luna. Cwale lu ka biza bakuli kuli U lu lumezi kakusasana cwana. Mi lu ka ba lapelela, mi lu ka lapela ka lipilu za luna kaufela, tapelo ya tumelo. Mi U pilise bakuli ni ku ba zusa. Mi haiba ba ezize libi, ba swalele, Ndate, halunze lu ipulela bumawe bwa luna ku yomuñwi, ni ku lapelelana yomuñwi ni yomuñwi. Mi U bulezi kuli, “Tapelo ye eziwa ka tukufalelo, ya mutu ya lukile ina ni mata amatuna.”

²¹¹ Lwa ziba alimuñwi ya lobezi ni luna mo kakusasana cwana, me wa mwanana fela ni bana babanyinyani ba. Mulena, kuya ka madokota, u sutelezi bukaufi ni mafelelezo a musipili wa hae. Kono lwa lapela, Mulimu, kuli U yeme mwahala hae ni sila sani. Mi ha lu mu toza ni ku mu lapelela, Mata a Hao aswale moyo wa hae wani. O ka tisa tumelo ni tukuluho. Mi cwale ha ye kwa ndu mi abe hande, ni kufa milumbeko, mi abe—abe ni mubonahalelo wa Naleli ya Kakusasana, kwa kanya ya Mulimu. Amen.

²¹² Muzwale Mercier, cwale, halunze lunga sicaba se ka likupo, sicaba si tahe. Lu ka biza fela nombolo ye. Mi ba beiwe fa mukoloko wa baba lukela ku lapelelwa. 

MULIBELELI, BUSIHU BU ZAMAYA CWAŃI? LOZ58-1130
(Watchman, What Of The Night?)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Njimwana 30, 1958, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org